

Zirlai, hna zawng mek leh hna-thawh mek te tan Hostel fai leh thiangleim, ei leh in tuihnai, tui hniangleh, free wi-fi, two wheel-er free parking awm thlap, thlenin mamawh tan pawh man tlawm tein a thlen theih bawh e.

Rainbow Hostel
Y-131, MZU Road,
Luangmual, Aizawl
Ph. 9436140576 / 7005598481

The Aizawl Post

RNI Regn. No. MIZMIZ/2003/12043 Postal Regn No. MZR/56/2018-2020

Team tha ber Spain an champion

P-7

Britain prime minister thar tur Andy Burnham

P-4

FIFA World Cup Final Halftime Show hmasa ber a hlawhtling

P-8

VOL. XXV NO. 178 AIZAWL, THAWHLEHNI, JULY 21, 2026

A man: Thla khatah Rs. 200

Provincialise phutin lungawiloh lantir tum

Mizoram Govt. Adhoc Aided High School Teacher Association (MIGAHTA) in Mizoram puma adhoc high school-te provincialise tura Mizoram sawrkar an ngennain awmzia a neih loh avang leh dinhmun hniam zawk, lumpsum grant -in- aid dinhmuna dah let tum an ni chu an duh lohna lantir an tum.

MIGAHTA sawi danin, sawrkar laka an thil phut a hlawhtlinna atan leh sawrkar laka an

lungawiloh tihlanna atan Mizoram puma adhoc high school 80 chuanguin mahni school theuhah July 21 & 22 hian badge dum an bel dawn a. Hei hian awmzia a nei lo a nih chuan July 23 & 24 ah zirlaite lehkhaz zirtir loin 'No Teaching Day' an hman ang. Sawrkar atanga thu lawmawm an hmu lo zel a nih chuan July 27 & 28 hian mass casual leave lak an tum a, hei hian awmzia a nei lo fo a nih chuan July 29-31 chhung Aizawlah

'Peaceful Sit-in Demonstration' an nei dawn tih an sawi a ni.

Heti chung pawha sawrkar an ko ei zo lo a nih chuan, a aia na zawka hma lak zel an tum tih an sawi.

MIGAHTA chuan, lungawiloh an lantir tur hian a ngawng tur mipui leh sawrkar hotute hri-atthiamna an ngen tih a sawi lawk a. An hmalakna chu thangthar, sawrkar hna zawng mekte tan a pawimawh dawn tih hri-atpui turin Mizo mipui an ngen tih a sawi a ni.

Mizoram Rajya Sabha MP lalut



Mizoram-in seat khat a neihna, Rajya Sabha member atana thlan Khiantge Lalitluangkima chu Thawhtannia Parliament Monsoon thutkhawm ni hmasa berah lakluh a ni.

Rajya Sabha chairman, India Vice President CP Radhakrishnan chuan

Parliament Upper House-ah rinawmna thu tiamtirin a lalut a. Thawhtanni hian amah bakah midang 8 lakluh a ni. Lalitluangkima hi Mizoram Lok Sabha MP Richard Vanlalhmangaiha, Mizoram State Planning Board Vice Chairman Dr. Kenneth

Chawngliana bakah ZPM party hruaitu thenkhatin a hmunah an telpui a ni.

Mizoram Rajya Sabha MP K Vanlalvena chu July 19 khan a term a hmanang zoa, MP thar Khiantge Lalitluangkima hi Mizoram Rajya Sabha MP 8-na a ni.

AR chhuahsan ramah Vanapa Hall thar Ram hman dan tur Committee ruahman - Chief minister

Aizawl, July 21

A ni dawn a, a sak dan tur ruahman pawh thlan a ni tawh. Chief minister Lalduhoma chuan AR chhuahsan ram hman dan turah hian mipui zawng zawng aiawh zo Advisory Committee an din tih a sawi nawn.

Assam Rifles ram chhuahsana hmalakna kal meka nodal department UD&PA buatsaihin Vanapa Hall & Park Architectural Design hman tur intihsiak chu Thawhtanni khan result puan a ni a. Catalyst Architecture Studio-in a design chu thlan a ni.

Lawmman hlanna hmanpuitu chief minister chuan, Aizawl chu a tirah Saphoin an thiam ang angin lo plan ve mah se, ziaa inhnutchiah engmah a awm loa, India zalenna hmuh hnuah a tlachawp zela ngaihtuah chungin luah chhoh a ni a. Hma kan sawn zel a, a hunlaia kawngpui zau tawh tak nia ngaih kha tunah chuan a lo zau tawh ta loa, hall liantham tak nia ngaih pawh a lo te ta a, kawngpui zau zawk, puihpunna hmun tha zawk, park nuam tak mamawhna a lo sang ta hle tih a sawi a ni.

Aizawl lailia Assam Rifles luah ram chu Pathian zarah mipui kutah a awm tawh a. A hman dan tur ngaihtuahtu Advisory Committee, mipui za-

Aizawl lailia Assam Rifles sawnchhuahna ramah Vanapa Hall thar sak a ni dawn a, a sak dan tur ruahman pawh thlan a ni tawh. Chief minister Lalduhoma chuan AR chhuahsan ram hman dan turah hian mipui zawng zawng aiawh zo Advisory Committee an din tih a sawi nawn.



wng zawng aiawh zo an din chuan hmalakna tur a duang a, master plan a siam a, chu'ng zingah chuan Vanapa Hall thar sak hi a tel tih a sawi.

"Advisory Committee ruahmanna hi ram danga khawpui mawi tak tak mithla chungin, rualelna thinlung pu a, kan ram hmel lanna tur, kum tam tak lo la awm tur thlenga kan tangkaipui theih ngaihtuah chung kalpui a ni. Vanapa Hall & Park pawh hi khawpui laili taka awm tur, puihpunna hmun langsar ber tur a nih angin, mawi si, tha si, him si nise kan duh a. Miin Aizawl an mithlaa ruala an mithlaa lo lang ve ngal tur centre mawi tak sak kan duh a ni. Chutiang hall leh park mawi sak dan tur chu 'architectural design competition' buatsaih hman-ga thlan a thain kan hria a. UD&PA-in bawhzui-in, a hmawr kan bawh thei ta a ni," Lalduhoma

hian a ti.

Intihsiaa pakhatna latu Pu Lalrinzuala Ralte chu 35th JK Indian Architect of the Year 2026 lawmman dawngtu a ni tih a hriatin, India rama architect thiam ber kuta Vanapa Hall & Park design a awm chu lawmawm a tih thu chief minister hian a sawi a. Hall sakna tur hi sum ruahmansa la awm lo mah se, PM-DevINE hman-ga sak an tum dawn a. Concept paper leh detail project report chak taka umzui turin concerned department a chah tih a sawi a ni.

UD&PA minister K Sapdanga pawhin, Aizawl hmel thar, changkhaw tak, mipui hman tangkai tur, miten an tlawh chak em em tur sawrkarin a duang mek a. A taka chantir thuai an tum tih a sawi.

Pakhatna dawngtu Catalyst Architecture Studio hian hall & park

design hi a lem nena entirin an sawifiah ngal a ni.

Inelna hi kumin March 17 khan tan a ni a, firm 33 tel zingah state dang firm pawh an awm. Thehluh hun tura hun tiam May 15 khan firm 16-in an design an thehluh a, an zinga 14 pawm a ni. Endiktuten kil hrang hrang atangin an endik a, a titha zual firm 6 an thlang a, chu'ng chuan an design hi endiktute hmaah an sawifiah a ni. Endikna kalpuiina atan hian thla thum chhung hun hman a ni.

Architectural firm pathum hnenah consolation prize hlan an ni a, firm dang pahni hnenah honorarium hlan an ni bawh. UD&PA chuan Vanapa Hall & Park Architectural Design Exhibition hi an kalpui ngal a, July 22 thlang I&PR Conference Hall Treasury Square-ah tlawh theih a ni.



World Cup final vangin Thawhtanni khan Mizoram sorkarin zira in chawh a puang a, sikul leh college an chawl. Sorkar pisa-te tan hun pawh titlain, chawhnu lam dar 1-a t an tur tih a ni. Zira in an chawh bakah sorkar pisa an tan tiai bawh nen, Thawhtanni chhunah Aizawl khawlai a ri luih luih lo a, kawngpui lun lai te pawh a thawl. Nilengin traffic a jam lo tiin a sawi theih ang. Mizoram sorkar hnuai mi ni lo Pachhunga University College pawhin World Cup final vangin tan hun an sawn tiai a, chawhnu dar 1-ah an t an. Hriat theih chinah Kerala, West Bengal, Manipur leh Kerala te pawhin Thawhtanni khan chawh an puang. Kerala-ah chuan zirlaite'n chawh puang hi an beisei a, chuvang chuan General Education Department hnuai zira inte chawh an puang an ni. Meghalaya-ah chuan sikul bakah college pawh chawh an puang.

Zau Policy tih ngelngheh kan tum - Cooperation minister

ZPM sawrkarin 'Zau Policy' tih ngelngheh a tum mek a, chu chu cooperative society tan hman tangkai a tul tih Cooperation minister PC Vanlalruata chuan a sawi.

Thawhtannia Apex Bank Zemabawk Branch a hawnnaah Agriculture minister ni bawh PC Vanlalruata chuan, Apex Bank chu sawrkar pawhin 'kan bank' a tih theih tura share a neihna niin, sawrkar Bana Kaih 'policy partner' a ni tih a sawi a. Sawrkar policy hrang hrang thlai thlan bik awmin, Zau Policy pawh

tih ngelngheh tum mek a ni tih a sawi a. Chu policy chu society-ten hman tangkai turin a fuih.

Aizawl Municipal huamchhunga veng lian ber Zemabawk laili bera Apex Bank branch thawn a ni chu lawmawm a tih thu sawi, sawrkarin Bana Kaih a kalpui mek atan, kuthnathawktuten tangkai taka an lo hman a, Apex Bank nen thawh dunna tha tak an neih chho zel theih nan mipuiin hman tangkai nachang an hriat zel a pawimawh tih a sawi bawh.

Mizoram Cooperative Apex Bank Limited chairman Lalnunsanga chuan, an bank-in hlawkna (profit) chauh a um loa, rualkhai zawka hmasawna a thlen theihnan thingtlang lamah pawh a inzarpah zel tih sawi, kumin July 14 khan Kolasib district Saipum khua-ah branch an hawng thar tih a sawi a ni.

MCAB hotute sawi danin, Apex Bank hian branch 37 leh ATM 45 an enkawl mek a. Tuna Zemabawk Branch office hawn rual hian ATM booth hawn ngal a ni.

Zofate'n World Cup an en e

POST NEWS SERVICE

Mizoram football fan-te tan chuan Thawhtanni kha kut tiak ni ang mai a ni; football fan han tih hian Mizoram chuan "mipui" an tling a, World Cup hnuhna pawh a lang chiang reng a ni!

Social media-ah leh khawlaiah World Cup hlimthla hi hmuh hmai rual lohvin a lang a, Aizawlah chuan final khelzawh atang khan khawlai a ri chuah chuah. Halpuah hal te pawh an awm. Vanapa Hall kawt velah inkhel en zo an pungkawm a, an ri luih luih mai.

Chhun lamah, a bikin chawhma lamah khawlai a thawl a, final vangin sorkarin zira in chawh a puang bakah sorkar office tan hun a sawn hla bawh nen, ni danga traffic jam hun angah pawh kawngpui a thawl.

A huhova en te, antenna her te kha mi thenkhatin tun hma thil emaw an ti mai thei a, mahse hmun hrang hrangah a huhova en an la awm a, tun hma antenna ang ni lo dish antenna her an la awm bawh.

A huhova en thin khaw pakhat chu Parva III an ni a, Mizoram chhim tawp khua hi World Cup thliin a nui hle.

An 100 vel an ni a, DTH (Direct to Home) nei in pasarih an awm. Internet a chak tawh loh avangin DTH neite inah hian an enho thin a, nuam an ti hle.

"In pasarihah kan en a, in khatah hian mi 20-30 vel chu kan ni ziah ang a, an tam bernaah chuan mi 40 tin tum pawh an nei. Half time laiin lakhuihthei te kan ei a, nuam kan ti ve khawp mai," Parva III tlangval David-a chuan a ti.

DTH hian dish antenna a hmanang a, a fiah loh chuan chu chu her a ngai thin. DTH hmanang chuan an la her a, Parva III-ah pawh chutiang chu a ngai.

"Ruah a sur tam deuh chuan a fiah lo thin a, dish hi her a ngai thin a. Argentina leh England inkhel t um khan ruah vangin a fiah lo a, kan her nasa. Mahse in tam zawkah a fiah thei lo a, khami tum kha chuan in pathumah chia a fiah theih avangin in pathumah kan en," David-a chuan a ti.

A huhova en thin khaw dang pakhat, Sialsir-ah chuan final zan khan an tum danin an en thei ta lo; VC leh YMA huaihawtin Community Hall-ah a huhova projector hmanang an an tum a, mahse a fiah theih loh avangin an ti thei ta lo.

Sialsir-ah hian DTH nei in pakhat leh Jio internet connection nei in pahniha a huhovin an en thin a, final kha DTH hmanang Community Hall-a en an tum a ni. Mahse, an han bei ngial thin a, a fiah thei lo. Zan dar 12.30-ah inkhel an tan dawn a, dar 12 velah an beidawng. In pathumah an en leh ta a ni. DTH neite kawth projector hmanang an an tum leh a, mahse ruah a sur avangin chu pawh an ti thei ta lo. Tichuan, an tih thin dan pangngaiin in pathumah an inhnawh leh ta a ni.

"World Cup hi kan en nasa a, nuam pawh kan ti a, khawtlang pawh min tilungrualin ka hria. Final pheih kha chu en kan tam bawh a, Thawhtanniah feh pawh kan tem phah," Sialsir tlangval Malsawma chuan a ti.

Final zanaah khan Sialsir-ah hian YMA officer-ber te'n sawhchiar an tum a, in pathuma final ente'n sawhchiar an pir.

Aizawlah pawh a huhova en leh hmun danga en hi an la thahnem a, World Cup lai khan inkhelzawhaha khawlaiah lirthei a pung thin kha chumi finfiah nan chuan a hman theih ang.

Sialsirah World Cup final-ah sawhchiar an pir



The Aizawl Post
Office : G-7, Chanmari,
Aizawl; Mizoram
796 007
Ph: 2341869
Website:
https://theaizawlpost.org
e-mail :
aizawlpost@rediffmail.com
theaizawlpost@gmail.com

Circulation Manager
7005598956

VAWIIN KHAW CHIN

Time	Forecast	Temp.
Zan dar 11- zing dar 5		19°
Zing dar 5 - chhun dar 11		22°
Chhun dar 11 - tiai dar 5		24°
Tiai dar 5 - zan dar 11		20°

CHANCHIN TAWI

Black Day

Parliament-a FCRA Amendment Bill 2026 ngaihtuah tum leh India rama Kristiante nek chepna duh loh lantima atan vawin, July 21 hian Mizoram Pradesh Congress Committee chuan Mizoramah 'Black Day' a hmanang dawn a. Aizawl bakah district hrang hrang hman tum a ni. MPCC chuan political party dang, kohhran leh mipuiin thlawp telpui turin an sawm tih an sawi.

Speaker kawm

Bangalore-a kal Mizoram Legislative Assembly speaker Lalbiakzama chu July 19 khan Bangalore Mizo Association hruaitute leh Mizo Students Association hruaituten an kawm a. Bangalore-a Mizo zirlai zir chhunzawm zel duh tan leh, zir zo tawhte an kal zelna atana pawimawh nia an ngaihte an lo thlen a. Mizo mipui tana Bangalore-a zima leh hna zawna lama thil pawimawh tak tak an sawi bawh. Speaker hian an thu thlen chu a tul anga hma lakpui a inhuam tih a lo hrih a ni.

Opium man

Excise & Narcotics Department, Mara Thalai Pawl Kumpuan Committee Siaha leh Young Lai Association Niewhtlang Branch hruaitute thawh-cho chuan Siaha district Niewhtlangah opium kg 6 & gram 870 an man a, a neitu nia puh mi pahni - Lesa (40) Zesaw khua, Chin State Myanmar leh Chungnuamthanga (41) Niewhtlang (Noatla-II), a khawsa nia inchhal pawh an man. Opium hi Mindat khua, Chin State Myanmar atanga Mizoram kenluh niin, Lawngtlai leh a chhehvela thirah tum a ni. Opium vanga mante hi ND&PS Act tlawhchhanin thubuai siamsak an ni.

Tlanchhuak man

Kumin July 3-a Aizawl Central Jail atanga tlanchhuak Zothanpuia, Zohmun Manipur inti chu July 19 chawhnu dar 1.00 vel khan Muanna Vengah man a ni. Thudawn danin, Zothanpuia hi July 3 hian a tan pui dang mi 16 vel nen jail bul tiai tura thlan zingah a tel a, heta tang hian a tlanchhuak a ni. Police bakah Central Jail staff-ten an zawng zui ngal a, a awma chin nia hriat chhui zelin, henga YMA-te pawh thawpui an ni. July 19 khan a awma chin awm hi hriat thawi leh a ni a, a tirah Hunthar lei tlahnam bulah a thiannu nena inhmur tur anga sawi a ni a, heath hian man a nih loh avangin zawn zui a ni a, Muthi lamah kal a tum tih hriat a nih hnu ah Muanna Vengah hian an nangching ta tih sawi a ni. Amah hi pawngsuah leh tualthah thubuaia court-in damchung tang tura a chungthu a rel fel tawh a ni.

Hna zawh hleihtheih loh hna tha bawk si lo enfiah

Mizoram State Project Monitoring Committee Inspecting Team chuan Eklavya Residential School Tlungvel sak mek chu tunhnai khan an endik.

Eklavya Model Residential School (EMRS) Tlungvel hi sawrkar laipui Ministry of Tribal Affairs hnuaiah hmun kilkhawr zawk ami, schedule tribe (middle leh high school level) ten national standard zirna a thlawna an hmuh theihna tur, facility hrang hrang awmna, tender amount cheng vaibelchhe 24, agreement amount vbch. 23.3361 a VRS Construction Zonuam Aizawl-in a sak mek a ni. Hna zawh hun tura ruat 2021 December 20-a an zawh

loh avanga hun pawhsei - 2024 December 21 a ral leh hnu tun thlengin an la zo loa, nasa taka tih khawtlai a nih chhan a hmunah endik niin, a hun taka zawh a nih loh avang hian zirlaite tan harsatna lian tak thlentu a ni tih sawi a ni.

MSPMC Inspecting Team hian 2024 June 7 khan EMRS Tlungvel sak hna component hrang hrang hi plan anga sak a ni em, tih a lo endik tawh a. Hemi tum hian hna hi zaa 55 zawh ni tawhin, contractor hnenah sum vbch. 15.94 pek a nih tawh tih thu dawn a ni.

MSPMC Team hian EMRS Tlungvel component hrang hrangah hian duhthusam lo leh siamthat dan turah rawt-



na engemawzat a lo siam tawh a. Chu'ng chu a taka zawm a nih leh nih loh tun tumah hian an endik tel.

Hna thawh zawh

loh leh thawh kim loh bakah hna thawh tha lo leh pawm tlak loh a tam hle tih an sawi a. Hman-rua a tha tawk em, tih leh, concrete quality thlengin

an test leh a ni. MSPMC hian EMRS Tlungvel hi tangkai taka chhawr theih tura zawh fel a nih thuai theihnan hma a la zel dawn tih a sawi a ni.

Ram economy chawikanga siamtha tura Congress a sawrkar a ngaih chhan sawi

Ram economy siamthaa chawikang turin Congress a sawrkar a ngai tih an party hruaitu Vanlaluata Chenkual chuan a sawi.

Thawhtannia Congress Bhavan-a inkhawmah MPCC Farmer Department chairman Vanlalruata Chenkual chuan, 2028 MLA inthlanah Congress-in chakna a chan ngei ngei a ngaih chhan sawi a. Ram economy siamthaa chawikang a, ram mipui hmakhua ngai hna tam zawk siam turin; thalaite hmakhua ngai an thawh tur hna tam tak siam turin; kan ram environment chhe chak lutuk - tuilian leh khawkheng siamtha tur leh, hnam zahawm leh intodelha siam turin an sawrkar a ngai tih a sawi.

Congress party chuan NLUP changtlung zawk a ruahman mek a, chuta ngaihpawimawh tur zingah - ei leh bar thianghlima intodelh,

kan rama chin theih sum chang thlai (commercial crop) mumal taka china zau/ cluster a hma lak leh a theih chin chinah zaua a huhua hma lak a ni tih a sawi a. Heng zau bawh tur hi khaw tinah ram thalai, tui awmna, leithatna, hmun rualrem th-lanchhuah a, hnathawktute mamawh - kawngpui tha (all weathered road), tui, thlai leh ran chawmna tur huanin eng (power) a neih theihnan, tharchhuah sawngbawlna leh market ngelngelht siam a tel tih a sawi a ni.

Hnathawktute an lo/ huana awm ngelht (permanent settlement) tura buatsaih a, an mamawh ngaihtuah sak a, trade hmalakna pakhat mai ni lo, thar hma leh ei tling hma tur nena trade (subsidiary) siamsak, thlai chin/ ranvulh tur a hmun leilung, sik leh sa zira thlan, zau khat zel hmalakna inang neih, zau khata hmalakna

chu cooperative society hnuaiah inrelbawl tura hma lakpui an ni dawn tih a sawi.

Zaua tharchhuah chu hlawk zawk leh dah rei theih turin sawngbawlna (processing unit) leh a hralhna (market) ngelngelht siam a ni anga, kan ram hman tangkai bak chu humhalh a, ramngaw tha tak leh zau tak siam a ni dawn tih a sawi bawk.

“Kan ram tungding leh intodelha siam tur hian Congress party mipui tan a ding thin. Rangva inchung neilote hnenah rangva chungkua 39214 hnenah a pe thei a, NLUP pawh chungkua 78479 hnenah Rs 30000 in a sem thei. Chhungkua 140736 hnenah Rs 1,00,000 in a sem leh thei a. Congress party chuan mipui mamawh a tihsak ngei ang tih ring ngam ang u,” MPCC Farmer department chairman hian a ti.

GST hman hnua ramin hma a sawn pui dan inhrilhfhiah

Press Information Bureau Aizawl chuan India rama Goods & Service Tax hman a nih hnua hna a siam tam dan leh economy lama insiamthatna a thlen dan inhrilhfhiah leh zirhona chu Thawhtanni khan Aizawlha a buatsaih.

Hmanpuitu State Taxation commissioner HK Lalhawngliana chuan, Prime minister Narendra Modi kaihhruai sawrkar hnuaiah India-in kawng hrang hrangin hma a sawn a, ei leh bar kawnga ram thanna chu India hmasawwna thlent- tu lian a ni tih a sawi. GST punna chu ram hmasawwna thlent- u a ni, tiin, data satliah mai niloin ram hmasawwna inngahna lunghum pawimawh a ni a, hun hmasa lama ei leh bar zawn kawnga harsatna awm thinna ram India chu tunah chuan midangte hna siamsaktu a ni ta tih a sawi.

India-in ram hma-

sawn nih a tumna kawngah GST-a hmasawwna chu thil pawimawh tak a ni tih sawiin, Mizoram pawhin hemi kawngah hian theitawp chhuah a tul tih a sawi a ni.

He hunah hian IIMC Aizawl regional director hlui LR Sailo bakah Khadi & Village Industries Commission asst director J Zodinpuite pawhin ram siamthat leh hma a sawwna tura media pawimawhna bakah Mizoram hmasawn dan leh India ramin tunhnai, a bikin GST hman a nih hnua ramin hma a sawn dan leh sawrkar laipui hnuaia mipui tana hamthatna hrang hrang awmte an sawi bawk.

“12 Years of Governance on Employment Generation and Economic Reforms under GST” tih thupui hmanga hun hman niin, Mizoram Taxation department leh KVIC atanga mithiamten an zirtir a ni.

BLO app

Mamit district-a booth level officer-te tan Special Intensive Revision 2026 kalpui meka BLO app hman dan chungchangah nimin khan training neih a ni a. Mamit, Reiek, W. Phaileng leh Kawrthah-ah neih a ni.

Mamit Assembly constituency tana BLO training hi district election officer, bawrh sap Suvigya S Chanda chuan telpuiin,

election officer Lalnunfela Chawngthu chuan SIR Draft Electoral Roll 2026 tarchhuah taka hming thunluh, paih leh siamthat chhunga BLO-te kaltlanga form lut chinfel dan tur, no mapping leh discrepancies chungchang chinfel dan tur a zirtir. BLO app hman dan zirtir an ni bawk a, form thehlul ruala lehkhaw pawimawh thiltel ngai leh a tih dan tur pawh zirtir an ni.

Ruihhlo laluttu man

Myanmar atanga Hnahtial district lama heroin lalut thina puh chu Mizoram Police-in an chuizui mek.

Thudawn danin, Hnahtial district Thingsai Police Station chuan July 18 tlai khan Tiau lui

atanga balu phur truck-a chuang zingah rinhlleh an neih thu hrilhtute sawi bawhzuin Kailiansanga (42), Leisen Myanmar, tuna Thingsai Pemvenga khawsa nia inchhal chu dap a ni a, a kut atangin heroin hawng 3 man a ni.

Ruihhlo neitua puh Kailiansanga hian Hnahtial atanga Myanmar lama heroin chah thintu nia a sawi chu Thingsai Police hian an chhui zui mek a. Amah hi ND&PS Act leh Foreigner's Act hmangin thubuai an siamsak.

Hmarchhak rural bank ho zinga sum chevel tam ber Mizoram Rural Bank

India hmarchhak state rural bank ho zingah Mizoram Rural Bank chu an hnathawhna kawng hrang hrangah a tha ber pawl a ni.

Mizoram Rural Bank Annual Report 43-na, 2025- 2026 sawrkar kum chungha hma an lakna chu Thawhtanni khan larsap Gen. Vikay Kumar Singh (Retd) chuan a tlangzarh a. Annual Report-a tarlan danin, 2025- 2026 sawrkar kum chhung hian MRB chuan sum chevel, deposit leh loan pek chhuah cheng vaibelchhe 10,656.08 a nei a, kum hmasa aiin zaa 11.26 in a tam a, hmarchhak state rural bank zingah a tam ber.

Hlep (net profit) cheng vaibelchhe 152.27 hmuin, hmarchhak state rural bank zingah pahni- na a ni a. Bank branch tin sum khawih zat - Business per Branch (BpB) cheng vbch. 100 aia tam nei thei India ram rural bank pali zingah telin, BpB vbch. 100.53 a nei tling. Thawktu pakhat zel sum khawih zat BpE cheng vbch. 21.70 a nei pha a; India ram rural bank zingah pahniha niin, hmarchhak state-ah pakhatna a ni.

Sum chevel zinga zaa 97.36 chu digital financial transaction niin, hmarchhak state-a tittha ber leh India ram pumah pahniha a ni a. Credit- Deposit (CD) Ratio zaa 63.29 neein, hmarchhak state rural bank-ah

pahniha a ni. Pradhan Mantri MUDRA Yojana hnuaiah DFS target zaa 154 thleng phain hmarchhak state rural bank-ah a sang ber a ni.

Mizoram bank zingah loan pe chhuak hnem ber niin cheng vbch. 4129.98 a tling a, sum dahluh dawng tam ber dawttu niin vbch. 6526.10 a ni. Sawrkar scheme pawimawhah hmahruaitu niin Mizor- ama Pradhan Mantri Jan Dhan Yojana hnuaia account zaa 78, Pradhan Mantri Jeevan Jyoti Bima Yojana-a inziaklut zaa 56, Pradhan Mantri Suraksha Bima Yojana-a inziaklut zaa 53 leh Atal Pension Yojana-a inziaklut zaa 43 chu MRB hnuaia ami an ni.

Heng bakah hian, khawtlanga dawmkan ngai zual tan loan pe chhuakin self-help group zinga zaa 95, National Rural Livelihoods Mission hnuaia zaa 90, National Urban Livelihoods Mission-a zaa 79, Kisan Credit Card scheme-a zaa 67, MUDRA-ah zaa 29 leh Prime Minister's Employment Generation Programme-ah zaa 27 chu MRB kaltlanga loan pek an ni.

Report-a a lan danin, Mizoram Rural Bank hi 'scheduled bank' niin, Mizorama bank inzarparhar zau ber a ni a. District tinah inzarpharhin branch 106 leh thawktu 491 a nei. Bank branch awm lohna hmu-

nah business correspon- dent (BC) dah zelin BC 350 chuang an awm mek a. Kolasib-ah Mizoram Rural Bank RSETI a awm bawk.

Larsap chuan, Mizoram Rural Bank- in kum dang zawng aia hmaa Annual Report a peihfel leh hmasaw- na hrang hrang hmuh theiha a awm chu law- mawm a tih thu a sawi a. Mizoram thingtlang kiltin dapchhuaka awm MRB chu thingtlang sum leh pai dinhmun in- nghahna pawimawh an ni, tiin, mipui tana duan central scheme hrang hrang, education loan leh social security scheme tam zawk pek chhuah leh tihhlawhtlin kawngah theitawp chhuah turin a chah.

Mizoram chu chhiah luh tlemna, revenue deficit state a nih avangin chhiah lakluh kawngah tan lak a tul a, thingtlang sum leh pai dinhmun (rural economy) tihhmasawn chu hemi atana paw- imawh tak a ni tih a sawi a. Loneitue thar chhuah hlawk zawka hralha sum lakluh tipung turin mar- ket linkage tha ruahman a tul tih a sawi bakah inzirtir tam a tul tih a sawi.

MRB hotute chu credit deposit ratio tha leh NPA awm lo siam tura tan la chhunzawm zel tura chahin, NAB- ARD leh MRB chu hma- sawwna ruhrhel tha zawk siam tuma theitawp chhuah turin a fuih bawk.



THLUAK SAWIZAWINA

AZP CROSSWORD NO. 4067

1

2

3

4

5

6

7

8

9

10

11

12

13

14

15

16

17

18

19

20

21

22

23

PHEI : 2. chhanhim, 5. cheimawi, 6. aw lawi/aw pangngai lo, 7. lua vet, 9. sei zawng tehna, 11. hmachhawn, 13. dah tha zel, 14. hring lo/hul, 15. pa chi khat, 17. inkawp, 21. sanghar ang tak ramsa, 22. langsar/uallau, 23. ngainep

CHHUK : 1. chuai/chul, 2. tlai lo/rang, 3. fong lo, 4. laimu, 7. thuamhnaw, 8. fanu pasal/farnu pasal, 10. awlsam/ harsa lo, 12. ping/awng lo, 16. chew- ing gum, 18. mawi, 19. khawvel ram ropui ber, 20. nung tawh lo

No. 4066 chhanna

Z A W R B E R A M
E N A W K B U A U E
G N A W K W I R L
P A I H L I A M
H N I P U I P
A N P H A
L A W N G I H
R I U K H U M
A D F U R T H A I

SuDoKu

No. 4069

	7		2		4		1
			4		9		
1			3	9		7	6
	9				6		
8							3
		5				1	
7	9		6	4			2
		2		1			
4	1		5			6	

SuDoKu
Khelhdan tur:
Number 1 atanga 9 dahkhah tur a ni a, number inang, a inzawnnin dah awih a ni lovang, thluak hmanga uluk taka ngaih- tuah tur a ni e.

SuDoKu No. 4068 chhanna

4	2	5	3	6	9	7	1	8
3	8	1	5	4	7	2	9	6
9	7	6	8	2	1	4	5	3
1	6	2	4	9	5	3	8	7
8	9	4	6	7	3	1	2	5
7	5	3	2	1	8	6	4	9
5	4	7	1	8	6	9	3	2
2	3	9	7	5	4	8	6	1
6	1	8	9	3	2	5	7	4

Congress hian FCRA an duh lohna hi a thlenma tur dik takah thlen se - K Hrahmo

Mizoram-a Congress party-in Foreign Contribution Regulation Act duh lohna lantir an tum chu state danga an party puite pawhin an tih duh loh a ni a, an duh lo tak tak a nih erawh chuan a thlenma tur dik tak, India sawrkar hotute hnenah thlen se kawngro a sut zawk a ring tih BJP hruiatu K Hrahmo chuan a sawi.

Thavhtannia an party office-a inkhawmah BJP State Core Group member K Hrahmo MLA chuan, Congress party-in Mizoram mipui rilrua Kristian party ni awma lan mawi tuma an khelhnaah Anti-Conversion Law chu BJP tihah an puh a. Anti-Conversion Law hi India ram dana awm lo, state list a nih avangin kum 1967-ah Odisha state-ah Swatantra Party (regional party) in ‘Freedom of Religious Act’ tiin dan an siam hmasa ber a, central-a Congress sawrkar lai a ni tih a sawi.

Kum 2006 khan Himachal Pradesh-ah khatih laia central leh state-a Congress sawrkar lai ve ve in Anti-Conversion Law hi an pass a. Kha’ng hunlai khan Mizoram-a Congress party hian enge hmalakna nge an neih tih a zawt tih a sawi.

Tunah FCRA chungchahangh tute emaw rilru sukthlekna a nih beiseiin “Black Day” tia phuahin Congress chuan hun hman an tum a, anmahnia ti ngam loin phungbawm an sawm a, central-a an pute leh state danga Congress party pawhin an tih duh loh, Mizorama hma lak an tumnaah hian an mal tan

hle tawh tih a Chiang tih a sawi.

FCRA chu Congress party-in kum 1976 daih tawha an dan siam, kum 2010-ah Congress party thoin an amend niin, Congress sawrkar hian FCRA kha a ngaihsak lo hle a, FCRA sum hman diklohna leh ram himna atana pawithe, hel pawl tanpuina hial atana hmanna a awm ngei a ni tih BJP sawrkarin a hmu chhuak tih BJP MLA hian a sawi.

“Chutah chuan FCRA dan bawhchhia, license cancel sak hi kum 2019-ah 1808 an awm a, Mizorama license cancel sak pahni a awm ve. Chutih rualin, registration dilna hi an hawng reng a, kum 2025-ah Mizoram atanga FCRA license dil, licence pek pahni an awm. FCRA kaltlanga sum kan hmuh hi dik taka hman a, fel taka report pek tur a ni a, Mizorama Congress party hian corruption hi a thlawp vang nge, an sangawizawnpui Muslim license cancel sak an nih vang zawka ‘Black Day’ hman tum tih ka zawt a ni,” a ti.

Heti taka Congress party-in FCRA a vei a nih chuan, Meghalaya sawrkarin hma a lak angin, kohhran hrang hrang hruaitute, PM Modi emaw Home minister Amit Shah hmuhpui ve se tih K Hrahmo hian sawiin, helaila Mizoram mipui thluak suk tum lo hian a sawina hmun turah tak sawipui ve se, an duhloh lai chu a thlenma tur dik takah thlen se, kawngro a su zawk ngeiin a ring tih a sawi a ni.

Lirthei chesualah nu ber thi

July 19 zan dar 8.30 vel khan Lunglei district Mausen dai kawngthlangah car a tlanliam a, a chuang zing ami pakhat a thi.

Thudawn danin, Lunglei district Mualthuam North-a Lalrotluanga te chhungkua chu chhiatna thil avangin July 18 khan Lungleiah thihna avangin an kal a, chhungte damlo pawh kan pahin, nu ber chu Mualthuam North-a sawrkar high school-ah Hindi zirtirtu a nih avangin July 20 (Thawhtanni) a school kal leh hman turin July 19 tlai khan Lunglei atang hian an khaw lam panin an tlan haw a ni.

Lunglei lamatananga kala Haulawng lam

hnaih, Mausen pelh hret kawngthlangah an tlanliam a, a hmunah hian nu ber, PC Zomuansangi (45) chu a thi a ni. An fanu pakhat chu kawngah vakchhuakin an chetsual thu hi hriat chauh a ni a. Mausen leh Haulawng khawtlang chu a hmunah kal nghalin, chhanchuah hna an thawk a, pa ber bakah an fate pathum chuan hliam tuarin nuna atana hlauhthawnawm erawh an awm lo nia thu dawn a ni.

Mutmu tuah mumal loa chechhuak an nih avangin pa ber hi a lo mutthlu palh em ni ang, tih zawhna a awm tih thudawnna chuan a sawi.

CHANGE OF NAME

I, Zonunmawii Pachuau has changed my name from Zonunmawii to Zonunmawii Pachuau by the consent of magsitrate.



National Institute of Electronics & Information Technology (NIELIT)
(An Autonomous Body of Ministry of Electronics & Information Technology, Govt. of India) Industrial Estate, Zuangtui, Aizawl- 796 017, Mizoram. Tel: 0389- 2350581

CORRIGENDUM TO ASST. PROFESSOR VACANCY

This is in supersession to the advertisement for Asst. Professor Vacancy issued on 15.7.2026. The advertisement may be read as below:

NIELIT Aizawl desires to engage **Asst. Professor** purely on Term contract basis for a period of 1 year extendable based on performance and requirement as details below:

1. Name of Post	: Asst. Professor- 02 nos.
2. Branch	: i) Electronics & Communication ii) Computer Sc. & Engineering
3. Salary/Wage	: Rs. 50,000/- PM fixed.

Interested persons may apply online through GoogleForms <https://forms.gle/CD4LmxCMhMLzCmnd8> on or before 06.08.2026 (Thu).

Details can be had from NIELIT Aizawl website: <https://www.nielit.gov.in/NielitMain/AIZ>

Date of Interview : Dt. 07.08.2026 (Fri) at 11:00 a.m.
Place of Interview : NIELIT Aizawl, Industrial Estate, Zuangtui, Aizawl - 796017.

***Candidate should bring their original documents at the time of interview.**

Advertisement no. 12 of 2026 **Sd/- Director**

PATHIAN LALRAM CHU NANGMAHNI-AH A AWM

M. Lalmanzuala

(phek 5-na zawmna...)

chhuah leh 1946–1956 chhunga Dead Sea kama lehkhahu tam tak an laih chhuah, Dead Sea Scrolls an tih takte kha an ni a. Isua zirtirina laimu awmna, tihchingpen loh, a ‘original’ dik takte an ni.

Ethiopia miten Isua zirtirna laimu awmna bute kha an ramah an hawnin, an hnam tawnga letlingin an kawlt tha a. An Monk-ten chu’ng Thurinbu an kawlte chu a ‘original’ dik tak baw a ni.

Thlahtutena an vawn that Thurinbu awmze neia zir Chiang hmasatu chu kum 1632-a Amsterdam-a lo piang, Baruch Spinoza kha a ni a. Ani kha Pathian leh Thilsiam(Nature) pumkhat a ni tih ringtu a ni a. Isuan Pathian lalram chu keimahni-ah a awm a tih nena thuhmun a ni.

Hetiangerinna hian Pathian anpui kan nih a, Pathian chu keimahnia awm a nih a, chutiang kan nihna chu keimahni chauhvina Harhchuhapui(Awaken) theih, mi dang inrawlh ve theih miah lohna a nih hian Sanhedrin te nihna a thaibo avanga anni khan Isua kha hlauva, ‘Khengbet rawh’ an tih chhan kha a ni a. Hetiang thu Chiang tak leh huai taka rawn auchhuahpuitu Baruch Spinoza, Amsterdam Talmud Torah-in an hnawhchhuah chhan pawh kha an nihna a thaibo vang a ni.

Spinoza kha heng Pathian thu kan tihte hi, Van atanga lo tla, Pathian Thlarau Thianghlim thawk khum ni lo va, kan mihringpuitena an ziah ve mai, ‘history’ bu dangte anga chhiar a, zawhna zawh ngaite chu zawh ngam tur, belhchian

dawl lo lai te chu hnawl ngam tur ti-a, ‘critical bible reading’ bul tantu a ni a. A thuziakte chu Philosophy, Literature leh Nature zirna khawvelah ngaihsan hlawh ber pawl a ni ta a. Albert Einstein meuh pawhin a ngaihsan thu leh thulak nana a hman thin thute pawh a sawi a. Pathian awm a rin leh in loh thu an zawh pawh, “Spinoza Pathian ka ring” tiin a chhang a ni.

Dikna zawmna leh din nghehpui tlatna lama a tumruhna leh a huaisenna hi Baruch Spinoza a ngaihsanawmna leh entawn tlak a nihna tak chu a ni a. Sawrkar leh Kohhran inrelbawlna-a Fello leh Diklo kan hriatte pawh venthawn kan neih vanga kan ngawihbopui mai thin hi, ram leh hnam nun tlakchhiatna bul chu a ni a. Diklo tih kan hriat chu Isua ang khan kan do ngam tur a ni a. Baruch Spinoza ang hian Inzirtirna diklo nia kan hriat te chu keini pawh hian Insiamt hat nan kan sawisel ngam tur a ni.

Kum 325 Nicaea Inkhawmpuia Empire(Sawrkar) leh Sakhua(-Kohhran), Thuneihna(Power) int awmtawna thawh dunna kalphung an lo neih tan atanga intan khan Sawrkar leh Kohhrante chuan thiam taka Thlenma leh Tihthaihna hmanraw hmangin Mipui leh Ringtute chu an thuhnuaiah min kuntir thei ta zel a ni.

Reformation te khan siamthat chin chu nei ve baw mah se, Thuneituten Ringtute an thuhnuaia an dah thiam dan chu a danglam chuang lo va. Pathian duhzawng ni lova, mihring duhzawng zawka rawngbawl chu Thuneitute leh

DIRECTORATE OF LABOUR EMPLOYMENT SKILL DEVELOPMENT AND ENTREPRENEURSHIP
GOVERNMENT OF MIZORAM
A-28, Earth Day Road, MINECO, Khatla, Aizawl - 796001
E-mail:directorledmz@gmail.com Website: www.lesde.mizoram.gov.in
Phone: 0389-2336344

No.A.11019/2/2015-DTE(LE&IT)/Part/57 Aizawl, the 16th July, 2026

ONLINE ADMISSION FOR GOVT. INDUSTRIAL TRAINING INSTITUTE (ITI)

Labour, Employment, Skill Development & Entrepreneurship Department chuan **Govt. Industrial Training Institute (ITI) Aizawl, Lunglei leh Siaha** ah Session 2026-2027 leh Session 2026-2028 atan Trade hrang hrangah zirlai (trainees) a la leh dawn a, dil duh chuan online-in web address : <https://itimizoram.in> **ah 24.07.2026** thleng form a fill up theih a ni. Hriatchian duh leh zawhfiah duh nei tan Govt. ITI, Aizawl, Lunglei, Siaha leh Directorate of LESDE, MINECO, Khatla-ah Office hun chhungin zawhfiah theih reng a ni.

Sd/- (PINKY ZOSANGPUII)
Director,
Labour, Employment,
Skill Dev. & Entrepreneurship Deptt.
Mizoram, Aizawl

IPR No. 131 (3-3)

PC Lawmkunga lehkhahu

Pu P.C. Lawmkunga lehkhahu ziah “SAPTAWNG ZIR DAN AWLSAM” tih leh “KA DAI VE CHIN” tih chu Lengchhawn Press, Khatla leh Pu P.C. Lawmkunga te In, Mission Vengthlangah lei tur a la awm e.



Ringtute pawhina an duh dan a nih avangin Pathian thu tak tel lovin kan kal zel rih ta ni e.

Lal Isuan a zirtirte thuhril tura a tirh chhuah dawn khan, tiang bak chu engmah keng lo turin a ti a. Thawmhnaw hâk lai leh pheikhawk bun thlakna keng lo tur leh pawisa dere pawh keng lo turin a ti a. An kalna apianga an thleninte ei ang leh in ang in mai turin a hrilh a. Hei hian in leh lo nei lova kal reng mai turin a ti tih a lanchiantir.

Sihalten kua an nei, chungleng savate pawhin bû an nei, mihring fapa erawh chuan lunghahna a nei lo, a tih pawh khan amah ngei pawh kha in leh lo nei lova che reng tur a nih thu a sawina a ni.

Inngaihtlawm a pawimawhzia a sawi tam a; Chapo that lohzia pawh a sawi tam.

Heng thute hi Constantine-a hova Bishop rualten Isua zirtirna laimu awmna an paih te ami ni lo, kan kohhranten Bible an rin chhan mektea thu chuang an ni a. Heng thute pawh hi an zawm lo satliah pawh ni lovin a kalh zawng deuh vekin an khawsa a ni. Isua zirtirna dik kha an hre lo a ni lo va. Chu tianga kal chuan ringtute an thuhnuaia dah theihna a awm dawn lo

No. A.12031/1/2025-HQ(HG&CD)
GOVERNMENT OF MIZORAM
OFFICE OF THE COMMANDANT GENERAL-CUM-DIRECTOR
MIZORAM HOME GUARDS & CIVIL DEFENCE
CHAWLHHMUN, AIZAWL.

Dated Aizawl, the 16th July, 2026

ADVERTISEMENT 2 OF 2026

1. Hna hming	: LDC (PE)
2. Hna ruak zat	: 3 (pathum) Direct
3. Pay level	: L-4 (Rs. 16,920/-)
4. Kum bithliah	: 18-35 years (SC/ST tan kum 5 dang ngaih hnathiam) August ni 1, 2026-a kum 18 tling leh hemi nia kum 35 (SC/ST tan kum 5 dang) pel lo an ni tur a ni.

Dil theite :
1) Thiamna : i) HSSLC from a recognized institution.
ii) Certificate in Computer Application / Diploma in Computer Application chin chunglam Central sawrkar recognized institution leh Mizoram State Council for Technical Education (MCTE) recognized institution atanga zirchhuak thiamna.
iii) Typing speed 30 words per minute.
iv) Middle School chin Mizo tawng thiamna.

2) India khua leh tui dik tak.

6. Dilna Form department website atangin download theih a ni ang.
Website Link : <https://homeguards.mizoram.gov.in>

7. Dilna form dakhah sa, document kimchang leh application fee Rs. 150 (SC/ST) tan leh Rs. 200 (General) tan ni **22.07.2026** atangin **24.08.2026** thleng office kaini zing dar 10:00 atangin tlai dar 04:00 thleng Headquarters, Mizoram Home Guards & Civil Defence, Chawlhmun-ah theh luh theih a ni ang.

8. Dilna thehlutte chu uluk taka enfiah anih hnuaah dilna pawmte leh dilna diklo/pawm lohte chu department website-ah tarlan a ni ang a, dilna dik/pawm te tan pawh Admit Card pek chhuah hun tur leh tuldangte website-ah hian tarlan a ni baw ang.

IPR No. 130 (3-3)
Sd/- MAJ ZOSANGLIANA HUALNGO
Commandant General-cum-Director,
Mizoram Home Guards & Civil Defence

STAINLESS STEEL

Stainless Steel hmangin Step Railing, Motor Body chei, Chhuar, Turkverh leh thil dang chi hrang hrang kan siam thei a, pan ngai lovin koh theih reng kan ni bawk.

Ph. 8258948082
LCM STAINLESS STEEL FABRICATION
Bawngkawn Lunglei Road



Indian thalaiten Delhi-ah kawng zawh, sorkarin biak tum

India-a thalai kaihhru-ai Cockroach Janta Party (CJP) movement chuan police-ten tear gas leh tiang hmanga hnawh darh tuma beih an ni chungin parliament panin mi sang telin kawng an zawh a, hetih lai hian union minister chuan sorkarin an thil phutte ngaihtuah a tiam niin an sawi.

Thla tam tak chhunga lungawi loh leh nawrh huaihawt hi Prime Minister Narendra Modi-a sorkar term thumnaah vantlang huapa dodalna lantirna lian bera ngaih a ni a, eptu party-te thlawpna an hmuh hma atangin social media-ah thlawtpu maktadaui tam tak a hip khawm a ni.

Zirtawpnia police-in chaw ngheia nawrtu activist Sonam Wangchuk-a tihluhna hmanga damdawi ina an sawn chuan exam zawhna put vanga Union Education Minister Dharmendra Pradhan-a ban phuta punkhawmna hi a tichak sauh.

Parliament fur thut-khawm tan ni, Thawhtanni khan New Delhi-a Jantar Mantar-ah thalai sang tam tak an pungkhawm a ni.

“Bang rawh se,” tiin an au va. “Dharmendra Pradhan a chhuak rawh se,” “Narendra Modi-a bang rawh se,” tih te chu Hindi-in an aupui a ni.

Khawpui hmun hrang hrangah police leh paramilitary mi tam tak dah an ni a, nawrh huaihawtte auva ram puanzarh an vau suau suau chu tihtawp tumi8n an bei a ni.

Union Health Minister J.P. Nadda chuan sorkar laka CJP thil phut sawiho turin a ko niin CJP



thupuangtu, Ashutosh Ranka chuan Thawhtanni khan X-ah a tar lang.

An thil phut zingah hian Wangchuk-a chhuah te, Pradhan-a ban te, zawhna put ru avanga mahni intihhlumte zangnadawmna Rs. maktadaui 10 theuh pekte a tel tih chanchinbute chuan an tar lang a, intihlum hi mi 20 vel nia hriat a ni.

He chanchin ziah lai hian inbe tur hian indawr a ni em tih hi Nadda emaw, sorkar emaw chuan engmah an la sawi lo va, an indawr zui em tih pawh hriat hman a ni lo.

CJP hian a, dintu Abhijeet Dipke-a man emaw, hren emaw a nih loh thu an sawi baw.

Mi thiamte chuan Indian thalai zingah hna thawh tur tlem leh exam zawhna put awm fo avanga lungawi lohna awmin CJP a tilar chak hle niin an sawi.

Reuters chuan thalai sang tel lungawi loh lantirnaah hian an pung khawm a, police-ten Delhi laili pan an tumna kawngah dalna (barricade) an dah ve thung a, khawpuia lirthei veivak pawh a buai phah hle tih a tar lang.

Television-a video tih-chhuahah chuan police hian hmun pakhtah mi thenkhat chu an vua tih a lang a, Delhi police erawh chuan tharum an hmang lo tih sawi-

in ‘professional takin kan hmachhawn’ tih an sawi.

Reuters chuan venhim hna thawktute hian parliament bulah pungkhawm an tam viaw hnuah a hnawh darh nan tear gas pawh an kap niin an sawi a, mipui atangin lunga police vawm pawh an awm tih a tar lang.

CJP movement hi May thlaah ram puma medical zima sikula lut thei tur zawwna exam zawhna a put hnu lawka intan a ni a, zawhna put avanga exam buatsaih nawnah zirlai maktadaui hnih chuang an inlan.

Dipke-a leh amah thlawptute chuan thla hmasa atang khan Pradhan-a ban phutin sit-in demonstration an lantir tan a. Wangchuk-a’n June 28-ah chaw nghein a zawm zui.

Wangchuk-a hian damdawi in thuneitute hnenah kut ziakin Thawhtannia kawng zawha a tel theih nan dilna a thlen.

Thawhtanni chawhma khan sorkarin a duh pathum an tihhlawhtlin chuan a chaw nghei a tawpsan tur thu a sawi a. Tun hnaia zima kalpui dana hlawhchhamna leh zawhna puta mawhphurhna an lak a phut tel.

MP leh political party hruaitun damdawi ina an hmuha a duhte tha taka an sawipui theih chuan chaw nghei tawpsan a tum baw.

Kartawpah ruah kaihhnawih chhiatnaah mi 25 vel thi

Kartawp chhung khan India hmar lam leh hmarchhak biala ruah sur nasa vanga tui lian leh lei min vangin mi 25 vel an thi niin thuneituten Thawhtanni khan an sawi a, ni eng emaw zat ruah a la sur belh dawn niin an sawi.

India awpna hnu-aia awm chin Kashmir-a Poonch, Rajouri leh Doda district-a ruah sur kaihhnawih chhiatna hrang hrang thlengah mi 15 an thi a, mi dang eng emaw zat chin hriat lohin an awm bawk tih police hotu lianian a sawi.

Hmarchhaka Nagaland-ah chuan ruah sur chhunzawm zel avanga lei min tam tak a awm avangin mi pakua an thi a, chhanchhuah hna thawktute chuan ruang pali an hmu tawh niin district thuneitun Reuters a



hrihl.

An thenawm, Asam-ah pawh Pathianni khan tui lianian mi pakhat a thi tih state disaster management thuneituten a sawi a. State chhunga district pasarihah mi 57,000 chuangin ruah sur nasa avanga harsatna an tawk mek niin

an sawi baw.

India weather office chuan X-ah, “Ni 6–7 chhungin hmrrthlang, khawchhak leh hmarchhakah fur ruah a la sur chhunzawm dawn a ni,” tiin Thawhtanni khan an tar lang.

India-ah hian June atanga September thla inkar

hi fur hun lai a ni a, hetih hun lai hian ruah a sur nasat thin avangin hmun tam takah lei min, tui lian, tek tla leh chhiatna dang vanga thihna a tam thin hle a. Hetih rual hian lo neitute tan a tangkai a ni a, ruah sur that leh that loh hi ram eibar dinhmun hritlu pawimawh

CM hovin Kashmir state neih leh phutna lantir

India awp chin Kashmir chief minister kaihhruaiin Thawhtanni khan mi za tam takin ram khawpui ber, Delhi-ah thil phut lantirna an huaihawt a. An awmna bial chu state dinhmun an neih leh theih an phut a, kum sarih hnuah sorkar laipui awpna hnuia dah a nih hnuah hei hi an huaihawt a ni.

Pungkhawmte hi police-ten an dang niin niin Chief Minister Omar Abdullah chuan X-ah a tar lang a, thlalak leh video a dah chhuah telah pungkhawmte hian poster kengin an au rual bawk tih a lang thei.

Abdullah chuan, “Hei hi state nih kan tumna bul tanna chauh a ni a, kan dikna chanvo, kan zahawmna leh kan nihna zawng zawng min chhuhsak vek a ni,” a ti baw.

August, 2019 August khan Prime Minister Narendra Modi-a kaihhruai sorkar chuan Jammu & Kashmir hi state an nihna hlihsakin sorkar laipui thununna hnu-aia awm turin a ti a, union territory pahnihah thenin pakhat hi Muslim tamna, Kashmir leh Hindu-te tamna, Jammu bakah Buddhist tamna Ladakh tih a ni.

Sorkar laipui chuan Himalayan tlangdunga awm ram bial hi ‘a hun takah’ state nihna pek leh a nih tur thu a sawi thin a, a pek leh hun tur erawh thutiam engmah a siam lo thung.

Abdullah leh a kaihhruai party, Jammu & Kashmir National Conference chuan sorkar thutiam zawm chungin state nihna chu a hma thei ang bera an neih leh a ngai tih an sawi thin. Modi-a kaihhruai BJP



hruaitute chuan nawrh huaihawt hi Abdullah-a sorkar rorelna hlawhchhamna nia an sawi atangin ngaihventu an pun phah nasa hle.

Muslim tamna, Kashmir hi India leh Pakistan chuan an ram ni ve vein ch-

hal mah se tlem ve ve chauh an thunun a. India hian hun rei tak chhung chu Pakistan chu Indian Kashmir-a venhim hna thawktute beitu, an ram atanga inlak hran duhtute puituah a puh tawh a, hei hi Islamabad chuan a

pha ve. Kashmir avang hian ram pahnihte hi wavi thum an lo indo tawh bawk a, an inrina hmunte pawh uluk taka ven niin ramri ven ulukna ber pakhat a tling hial a ni.

Kan sipai thite chawimawi nan Iran kan kap - Trump

President Donald Trump-a chuan US-in ‘na takin’ Iran an kap leh tih sawiin tun tuma an beihna hi tun hnaia US sipai, Jordan-a pahnih leh Iraq-a pakhat thite ‘chawimawi nan’ an tih a nih thu a sawi.

Thawhtanni zing hma takah khan US Central Command (Centcom) chuan ‘thawh tharin’ a zawna zan kua nan an kap tih sawi-in Iran hmun hrang hrangah thil puak ri hriat tur a awm.

US chuan sipai hmun leh inbiakpawhna hmunte chu Tehran-in Strait of Hormuz-a lawngte a beih thin ‘tihnep nan’ an kap tih an sawi.

Iran pawhin a chhan let nan Syria leh Jordan-a Aqaba thlawhna tumhmuna US thlawhna ‘an bei thut’ tih an sawi ve baw.

Kuwait-a sipaite pawhin Iranian drone-te an lo kap thla tih an sawi baw.

US-in a kah chungehangah Iran-a Tasnim news agency chuan Tabriz, Chabahr, Konarak, Bandar Mahshahr leh Bandar Imam Khomeini telin khawpui



hrang hrang kah a ni tih an sawi.

Iranian sorkar chanchinbu chuan strait kan tum tuallthei phur lawng pahnih a puak tih an tar lang baw.

Islamic Revolutionary Guard Corps (IRGC) chuan tanker-te hi strait ‘chhim lam kawnga a him lo leh hlauhawm lai’ zawhin ‘a puak a, an din phah’ tiin a sawi a. Centcom chuan hei hi a pawm lo thung.

IRGC chuan US-in a kah chhunzawm reng avang leh anni pawhin ‘awmze neia an chhan’ ve zel avangin strait hi ‘petrochemical

product te, tuallthei leh boruakalhthei’ kal nan a him lo tih a sawi.

Kartawpah khan US chuan Iranian-ten Inrinnia Iraq hmar lam an beihnaah an sipai pakhat a thi tih an sawi.

A hma ni chiah khan Jordan-ah US sipai pahnih thiin pakhat chin hriat loh a lo ni tawh a. US chuan ‘finfiah loh ruang’ hmuha a nih thu leh tunge hriat tuma hma lak mek a ni tih a sawi.

Kartawpa US leh Iran an inkah chhunzawm zel lai hian US Secretary of State Marco Rubio-a chuan US chu ‘palai hmanga chin

felna dap turin a la inhawng reng’ tih a sawi.

Rubio-a hian Iran kutah ‘khawvel tuikawng pawimawh chu a awm dawn nge dawn lo’ tihah khawvel chuan thudlukna a siam dawn tih sawiin Tehran chuan tuikawng hi dik lo taka thunun a tum tih a sawi.

Ram pahnihte hian June thla laihawh khan inkahhai siam turin inremna an siam a, inkahhai chhungin indona titawp tura inbiak turin thu an dah a; mahse, bawhchhiaa inpuhin an inkap zui a, July 8 khan Trump-a chuan inremna chu ‘a tawp’ tih a puang zui a ni.

Guyana-a lawng chesualah mi tam tak thih ring

Guyana vaucamah Inrinni zana passenger phur lawng letah mi eng emaw zat an thi rin a ni.

Pathianni khan mi 67 man an ni tih thuneituten an sawi a, hemi hnu lamah erawh dama awmte hmuah an harsat tawh thu an sawi.

A chuangte list atang chuan passenger 116 leh thawktu 17 an ni a; mahse, Guyana-a prime minister chuan a list hi a dik chiah lo thei tih a sawi.

Tui lut thiamte chuan chetsualna thlenna hmunah hian tui chhung dapin an la zawng zui a, lawnga chuang nia inhria chhungte chu thuneitute hnenah inhriatir turin ngen an ni.

Prime Minister Mark Phillips-a chuan chetsualna

thleng chhui turin thu a pe ngah a. “Ngaihnamna, kal dan dik lo leh tih dik loh a awm a nih chuan dan angin an chungah thu rem a ni ang,” a ti.

Public Works Minister Juan Edghill-a chuan Pathiannia thuthar lakhawmtute a kawmnaah kalphung fel tawk lo a awm tih a sawi a. Mi 67 chhanchhuahzte zinga 35 chauh passenger list-ah an chuang a, hei vang hian sorkara mi 133 chuan theihna tura inziah luhah hian a aia tam an chuan ngei rin a ni.

Edghill-a chuan lawng captain leh thawktu zinga pakhat chu cannabis an ti ngei tih endiknaah a lang tih a sawi.

“Hna an thawh laia thawktuten zu an in emaw,

mei an zuk emaw theih a ni lo va. Captain-in a zu tih finfiah a ni pawh hi thil serious tak a ni,” a ti.

Captain leh thawktu dang eng emaw zat chu police kutah dah an ni tih a sawi.

MV Barima lawng hi an khawpui, Georgetown atangin Inrinni chawhnu khan chhuakin hmar lama Port Kaituma pan a ni.

Metre 40 (131ft)-a sei niin kum 1939-a sak kha niin VesselFinder-ah chuan tar lan a ni.

Dam chhuak pakhat, Elena Moonsammy-i chuan tui fawn nasa tak an sut hnuah an insawi nasa a, tui a lut tan ngah tih tual chhung news site Kiskadee Watch a hrihl a. A hnu rei lo teah

tuiah an pil ta niin a sawi.

Inrinni zan dar 11:01 (India-a zing dar 08:31) khan harsatna an tawh thu dawn a ni a, sorkar hnuiaa team leh mi mal lawngleng nen thawh chhuah ngah a ni.

Chhanchhuah mi 67 zinga 15 chu naupang an ni a. Mi mal lawngleng hmangin damdawai inah an la awm a, mi dangte chu chhuahir vek an ni tawh tih a sawi a. Dama lak chhuahthe hi lawng leh bungraw darh vel avanga taksa pem leh kak an ni tlangpui tih a sawi.

Burundi-a inkhawmna chimah mi pariat thi

Burundi-a khawpui lian ber, Bujumbura-a inkhawmna hmun chimah mi pariat an thi a, mi dang pakua in hliam an tuar baw.

Inrinnia chhiatna thleng hi Burundian thuhritlu lar tak, Chris Ndikumana-a’n Inrinnia sikula inkhawm buatsaihah mi sang chuang an pun khawmna hmunah a ni.

Thil thleng hmutu leh police chuan zan rei tawh taka inkhawm ban ruala haw tumte gate-a an inhnawh lain gate awmna lam bang a chim tih an sawi a, thenkhat chu an inchil zui nia a lan thu an sawi.

Ndikumana-a emaw, he inkhawm buatsaihtu emaw pawhin engmah sawi an la nei lo.

Police chuan Bujumbura-a King Khaled Hospital chuan thi paruk an chhinchhiaah a, hmeichhia panga leh mipa pakhat a ni a, mi pali enkawl mek an nei tih an sawi a. Sipai damdawi inah mi pahnih an thi bawk a, enkawl lai panga an awm baw.

Police hian mi pahnih taksaah hliam an nei a, mi dangte erawh chu inne buaina avanga thi an ang zawk niin an sawi.

A YouTube channel pawh maktadaui subscriber nei, Ndikumana-a hi Kanguka (Wake up) ministry hruaitu niin African ram hrang hranga thu a hrihnaah mi sang tel an pung khawm thin.

A zuitute chuan tawng-



tainn a a tidam thei niin an ngai.

Africa-ah hian sakhaw thila punkhawmnaa chhiatna thleng hi a awm fo va. Kum 2020 khan Tanzania-ah pawn lama hriat thih rawng bawlna buatsaihah hriat thih nih tumte inne

buainaah mi 20 vel an thi. Kum 2022 khan Nigeria chhim lama Port Harcourt-ah pawh kohhranin mi retheite hnenah e tur a semna hmunah mi 31 an thi bawk a, mi thenkhat chuan tlaivarin an nghak nia sawi a ni.

PATHIAN LALRAM CHU NANGMAHNI-AH A AWM

M. Lalmanzuala

Hei hi Isua thusawi pawimawh ber, a zirtirna laimu chu a ni a. Kristian intite hian he thu nena inpersan deuh vek zawk hian kan inzirtirin kan inkaihruai a. Eng vanga hetiang a lo awm ta nge kan nih hi i han zir chiang dawn teh ang u.

Isua khan a zirtirte hnenah khan, ‘Pathian anpuia siam vek kan ni a. Keimahni theuhah hian chu Pathian anna, Pathian zia chu a awm a. Rinawmna te, Dikna te, Felna te, Inn-gaithlawmna te, Tlawmngaihna te, Huaisenna te hi chutiang zia-ah chuan a awm vek a. Nangni hian chu zia chu in lo theihngihlin in lo mut-thilhsan tawh a. Kei hian chu zia chu ka theihngihl lo va; ka la vawng tha reng a. Chu zia neih thartir leh tur che u a, lokal ka ni,’ a ti a.

Chu zia chu mi dangina thusawi leh dan siam chawp hmanga min nehtir theih a ni lo va; mahniina kan sual chhuah theih leh kan sual chhuah tur a ni. Chutiang atan chuan hmun fianrila ngawi renga urhsûn taka inggaihtuahna hun, Saptawnga ‘meditation’ an tih, neih a ni.

Isua thlalara ni 40 leh zan 40 a awm hrang kha chutiang tih nana hun hmang chu a ni. Chu chu mi dangten kan entawn atana a tih a ni.

Isua khan sakhua a din lo va, pawl a din lo va, hruaitu nihna a inpe hek lo. Tih dan dik, awm dan tha te kha ama nunah a lantir a. Pathian thu chu a nuna nunpui tur a ni.

Kum AD 313-a Constantine-a Roman Emperor a rawn nih khan Isua ringtute zingah hriat dan, ngaih dan inang lo tam tak an awm a. Thurin bu hrang neia inbâwl hrang 100 chu-uang zet an awm a. Ngaih dan inan loh avangin ingghirngkhona nasa tak te pawh an awm a ni.

Anni bakah khan Persia-ah Mithras, pathiana neihtu te an awm a. Aigupta-ah Osiris, pathiana neihtute an awm a. Sumerian-te phei chuan pathian 10 zet an nei a; a ropui ber chu An(Anu) a ni.

Roman te kha Sol Invictus(Ni pathian)pathiana neihtute an ni a. Jupiter te, Apollo te, Mars te pathiana neihte pawh an awm a ni.

Roman Empire zau takah khan Emperor chak loh avangin Province awptu General te kha an province te kha mahni ta ang maia enkawlin ram inchuha intibuai deuh reng an ni bawk a.

Khang bakah khan ram pum ‘economy’ kha a tlabal hle a. Tām leh hri lêng avanga thite pawh an awm hial a ni.

Khatiang boruakah khan a lalram a tluk chhiat loh nan, khatih laia hlawm khata a tam ber ni tawh, Kristian-te kha Constantine-a khan lamt anga siam a tum ta a. An tam bakah Kristiante kha rinna avanga martar ngam, ze ngheet nei an nih kha Constantine-an lamtang tha leh ngheet an nih a rin bawk vanga a ni a. Khawpuia inzarthpharh an nih kha remchanna petu turah a ngai bawk a ni.

Council of Nicaea, kum 325 khan a ko va. Bishop 300 chuang zet an lo kal a ni. Lamtanga siam kha a tum ber a nih avangin Bishop-te kha an kal man, an thlen man, ei leh in thlengin a tumsak vek a. A duat hle hlawm a ni.

Isua ringtute an inthurual lohna lian ber chu Isua Pathian a nih leh nih loh thu kha a ni a. Bishop 300 chuang zinga a tam zawk leh an hnung zui-tute kha Isua Pathian a ni tih ringtu an ni a. Tlēm zawk mah se, tam tham tak kha Isua Pathian a nih ringlotute

an ni.

Constantine-an Kristiante lamt anga siam a duh chhan chu an tam-na kha mi dangte thunun nana hman theih a inrin vang a ni a. An vaia an inthurual theih loh pawhin a tam thei ang ber thukhat vua-a siam kha a tum a ni.

Inhnialna leh buaina nasa tak karah a tam zawk vote-in Isua Pathian a ni, tih chu thu tlūknaa pawm a ni ta a. Chu thu leh Inpumkhat nihnaa thu pawimawh dang hlawm khawm-na Nicene Creed chu a lo piang ta a. Hei bakah hian Empire leh Kohhran inlaichin dan tur te, Thuneihna an in awm dan tur te leh Inzirtirna thu ken-kawh dan tur te an rel fel bawk a ni.

Lalram tluk chhiat loh dan tha ber chu khua leh tuite thunun a ni a. Chu ta tan chuan Isua zirtirna Thurin-bu hrang hranga mi Thunun nana t angkai tur thu awm apiang kha an lakhawm a. Thunun nana thu hlauhawm leh tha lo awmna tawh phawt chu an paih zel a ni.

Kristian sakhaw Thurin, Nicene Creed leh a dang an duan chhuahthe kha a khua leh tuite thunun nana a hmanrua(tool) a ni. Kum 313-a Kristiante tihduhdah (persecution) a tihtawp a, thliarhanna awm lova a siam chhan pawh kha lamtanga siam nana boruak tha neih a duh vang mai kha a ni.

Thununna kha an ngaih pawimawh ber a nih avangin Kohhran pawh khan Lalram thuneihna kha a tawm ta a. Empire(sawrkar) leh Sakhua(kohhran) “Power Sharing” kha a lo in awm an ta a. Mi thunun nana pawimawh tak chu Intihropui, Intihhlauhawm, Intihzahawm a ni tih hriain Emperor te chuan Lal In ropui, Lallukhum ropui, Lalpuan ropui, Lalthutthleng ropui, nen an inrelbawl a. Pope te, Bishop tein chutiang hawizawng chuan an inrelbawl bawk a ni.

Isua Pathian a ni tih ring lotute chu an awm zel tho va. Pathian a ni tih ringtute nena an intihbuaina pawh a kal zel a. Constantine-a kha chuan Thu khat vuak thlak a nih kha a duh tawk viau a. An intihbuaina-ah khan a inrawlhzui tawh lo va. Isua Pathian a ni tih ringlotu Arius-a a hnawchhuah pawh kha a ko lêt leh nghe nghe a. A thih dawna baptisma chantirtu Eusebius pawh kha Arianism Bishop a ni.

Kum 380 AD, Emperor Theodosius I, emperor of the East, Gratian, emperor of the West, leh Gratian’s junior co-ruler Valentinian II te chuan Nicene Creed pawmtu Kristian sakhua chu Roman Empire sakhua(offical religion)-ah an puang ta a. He tih laia Kristian sakhuate chu Catholic Church, The Eastern Orthodox Church leh Oriental Orthodoxy te an ni. Heng sakhaw mite lo chu ringlo mi(heretics) tih an ni a. Sawrk-ar chakna hmanga hrem theih an ni.

Pathian lalram chu nangmahni-ah a awm, tih Chiang taka a lanna bu Gospel of Thomas, Gospel of James, Gospel of Peter, Secret Book of John, Gospel of Mary Magdalene leh a dangte chu Isua zirtirna laimu lanna an ni chungin Inthunun nana hlauhawm an nih avangin Constantine-a leh Bishop rualte chuan, ‘Gnostic Teachings’, ‘Heretic’ tiin an hnawl a, a zirtirna pawimawh lo zawkte kha Kohhran zirtirna laimu-ah an chantir ta zawk a ni.

Isua zirtirnaa tel lo, Adama leh Evi tlūkna avanga mihring zawng zawng suala tlu ta anga inzirtirna hi ‘Pathian Lalram chu Nangmahniah a Awm’ tih zirtirna, ‘Gnostic Teachings’ an tih te hnial kalh nan Irenaeus(of Lyon) khan a rawn sawi tan a. Kum zabi lina velah khan Hippo

Bishop Augustinan a rawn tuaihriam a. Councils of Carthage (411–418 AD) leh Orange (529 AD)-ah te khan Kohhran Thurin angin an lo hmang t an ta a ni. Thuneituten mi an thunun theih nana hmanraw siam chawp kal zel a ni.

Kum 1095 khan Pope Urban II chuan Crusade a din a. Hei hi Ram Thianghlum Muslim-te kuta awm laklêt tumna leh Kristian rinna humhalhzui zel tumna a ni a. Kum 200 dawnlai, 1291 thleng an kalpui chhung khan vawi kua(9) an nei a. Kha tih chhung khan sipaite bakah, tām leh hri lêng avanga thi, mi maktaduai thum(3) dawnlai ni-a chhût a ni.

Empire(Sawrkar) leh Kohhran(-Sakhua) tangkawp chuan Ring lo mi ‘Heretic’ te chu thah theihna dan an siam a. Chu Chu Inquisition an ti a ni.

Medieval Inquisition hmasa ber chu Languedoc, France chhim-a kum 1184-a din a ni a; Episcopal Inquisition tih a ni a. Kum 1230 atang khan Papal Inquisition-in a thlak ta a ni. France chhim lam leh Italy hmar lam rama chengte hi Cathar an ti a. Anni kha Thuthlung Hlui ring lotu leh Isua Pathian a ni tih ring lotu an ni a. Isua chu Pathian mi tirh, mihringte hi Pathianin a anpuia a siam te kan ni a. Pathian anpui kan nih ang taka nung tur kan nih thu min rawn hrih a, amah chu kan entawn atana lokal a ni tih ringtu an ni a.

Isua chu an ngaisang a. A zirtirna laimu, Inngaihtlawmna te, Reteihna te kha a takin an nunpui a. Khang laia Pope leh Bishop te ropui tak leh in tilal taka an awm dan nena inpersan thlap kha a ni.

Cathar-ten mumal taka an rinna an kalpui(movement) chu French khawpui pakhat Albi-a intan a ni a. Anmahni dozawnga Kohhran beihpui thlak chu Albigenian Crusade an ti a ni. He mi bawhzuia Albigenian Crusade, kum 1209 atanga 1244 an neihah chuan Cathar ringtu mi 200,000 aia tam an that a ni. Kum 1350-a a tawp thleng khan Cathar mi 500,000 vel an that ni-a ngaih a ni.

Spanish Inquisition chu Pope Sixtus IV thupeka kum 1478-a din a ni a. Kum 1480 khan King Ferdinand II of Aragon leh Queen Isabella I of Castile -ten an kengkawh tan a. Kum 1834 thlenga he Inquisition an kalpui chhung khan mi 3,00,000 an ti hlum(execute) ni-a ngaih a ni. Hmun danga tih hlum te nena belh khawm phei chu maktaduai aia tam ni-a hriat a ni.

He tih chhung hian Juda te leh Muslim te tihduhdahna pawh a kal nasa hle a. An awmna ram atanga Juda te an hnawh chhuah chu mi 1,60,000 zet a ni.

Kum 1517-a Martin Luther-an Catholic Kohhran zirtirna leh kalphung diklo ti-a ‘Ninety-five Theses’ a tar chhuah kha ‘Protestant Reformation’ intanna-a ngaih a ni a. Kha ta tang khan Catholic ringtu Lalram leh Protestant ringtu Lalram te kârah ingghirngkhona a awm tan a. Kum 1542-a Pope Paul III-ina Inquisition a din leh chu Protestant-te hrem nana tih a ni a. Protestant-te pawh khan Inquisition ang hi an nei ve tho a ni.

Kum 1618 – 1648 chhunga Catholic Lalram leh Protestant Lalram Indona, ‘Thirty Years’ War’ ti-a hriat ni ta chhung khan mi maktaduai sawmpahnih(12) dawnlai thi-a ngaih a ni. Khang indonate kha lalram leh lalram indona ni mah se, sakhaw indona ang khan a kal tlat thung a ni.

Kohhran leh Kohhran te tharum thawha inbeihna a awm tak meuh loh hnu-ah pawh ingghirngkhona chu a kal zel a. Kohhrante chuan Member tam neiha, Tamnaina thiltitheihna

Wawiin Changvawn

Thufingte 25: 21-22

I hmêlma a ril tām chuan ei tûr pe la,
A tuihâl chuan in tûr pe rawh.
Tichuan, sen awp awp khawpin i tizak ang a,
Lalpan a rûl ang che.

THE AIZAWL POST

Editorial.....  Mizo Daily Newspaper

Mizoram sawrkar leh World Cup

Khawvel huapa sports discipline hrang hranga inelna lian ‘World Cup’ hi a tam khawp mai a; mahse tuna World Cup kan tih hi chu kan hriat tlan sa, FIFA World Cup 2026 a ni. Engatinge Mizoram sawrkar nen kan thlunzawm tak mai kan tih chuan, World Cup denchen hian Mizoram state sawrkar chuan chawlh a lo puang ve tlat a ni.

Football ngaina hnam kan ni, han inti dawn ila, football ngaina hnam chuan World Cup te an khel phak mai a, keini hi eng nge kan dinmun ve chia? Vawi khat mah FIFA World Cup khel tura la qualify ve miah lo India ram state zingah pawh a thawkmawh (uar hret em?) ve tak hian sawrkar office khar hial khawpa kan lo buaipui ve chiam mai hi, inenfiah deuh chu a tul lo ng maw?

‘Sawrkar office chawlh’ han tih rup mai chu lo helh duh tawk an awm mai-thei; ‘ni chanve chauh alawm’ ti duh an awm bawk ang. Ni khat pum hlum a ni emaw, ni chanve a ni emaw pawh ni se, sawrkar office kal pangngai chawlhsan a ni tawh hrim hrim a, helai hi chu sawi thui lovang.

Zirna in, school leh college an chawl a. Hei pawh hi a nihna takah chuan ‘zir-lai ten an en duh ang’ tih chhuanlam ang deuha lang, zirtirtute kaihhnawih tho a nih hmel. Chawlh hi puan ni lo ta se, World Cup Final hi zirlaite leh zirtirtute hian an en dawn tho a, World Cup an en

chuan tlaivar a ngai dawn a. Chhun lamah school/college-ah mutchhuak chungin eng ruai an ang tak tak chuang lovang, tiin chawlh hi sawrkar hian a puang ta mai em ni ang? Nge, ‘football inkhel an en atang hian football lamah hmasawmna nasa tak Mizoram a neih phah ang’, an ti nge, ‘a hun lai a nia, intihhlum hi kan mamawh ve alawm’ an ti zawk?

Mizoram sawrkar hnuaiah hian sawrk-ar hnathawk singnga chuang an awm a, school leh college zirtirtute bak, department dang office-a thawkte hi sawrkar hnathawk zawng zawng hmun thuma t hena hmun khat, sing hnih vel angah dah ta ila. Sawrkar hnathawk mi singnih ni chanve thawh hlawh leh, sawrkar hnathawk mi singthum ni khat thawh hlawh chu Mizoram sawrkar hian World Cup avangin a hloh ta a ni ber mai, thildang a awm lo.

State thenkhat, heng Kerala, Meghalaya, West Bengal leh Manipur-te pawhin chawlh an puang ve a, mahse anni erawh chuan educational institution tan chauh a ni a, sawrkar office chawlh a tel ve lo. State dang chu state dang lo ni se, tih dan tha entawntlak an nei a nih chuan entawn te chu hreh lo ila; mahse, World Cup chawlh tih vel hi chu tih dan tha ngaih tur thil em ni dawn le? Thil hi, a huau huau zawnga thutlukna siam kawngah kan hnip lutuk deuh em tih te pawh hi, inenfiah ve thin ila.

a pêk mi thunun nana hman chu an thupui ber leh an ngaih pawimawh ber a ni zel a. Isua chu Pathian a ni, tih chu ngaia neih a lo nih hnu chuan inthunun nana kawng dang zawn a lo ngai ta a. Chu tiang atana an kawng thar zawn chhuah langsar berte chu Vanram leh Hremhmun te hi an ni.

Pathian lalram chu keimahnia a awm a, Pathian temple kan nih bawk chuan van thengrengah emaw, hmun dangah emaw vanram awmna chhan tur chu a awm lo a ni. Isuan vanram chungchang a sawina Bible-a lo lang thin te hi Kohhran hruaituten tul tih-na an neih vanga an belh chawp a ni, tih bak chu sawi leh ngaihna pawh awm meuh lo a ni.

Hremhmun lo chhuahna ber chu Gehena a ni a. Gehena chu Jerusalem daipâwna bawhlhlawh paih an hâl khûk vut vutna hmun a ni a. Misual khaihlum turte emaw an vawm luh-na thin a ni bawk. Tawrhna rapthlak awm thei sawi nana Isuan Gehena hming a lam kha Hremhmunah an chantir ta mai a ni.

Kohhran hruaituten pulpit atang te-a hremhmun chu a hlauhawm thei ang bera an sawi a; vanram chu a nuam thei ang bera an sawi chuan ringtute chuan hremhmun kal lova vanram kal dan kawh hmuh theitu Kohhrante thu apiang chu Pathian thu angin an pawm hmiah hmiah tawh mai a ni.

An thuhnuaia ringtute awm ngheh zel theih nan dan chi hrang hrang an siam belh zel a. Inneihna te pawh sakramen a nih chuan ngaih pawimawh a hlawh lo thei lova, dan chhunga inneih leh dan pawna inneih chu ringtu mipuite ngaihah inang lo tak a ni. Chu tiang zelin Sualpuanna te, Sawma Pakhat Pêk te pawh a Pathian thu ta em em mai a ni. Isuan Pathian temple chu keimahni hi a ni a tih lain, kan Kohhrante chuan Biak Inah an transfer a; Biak ina inkhawm chu Kristian tha leh tha lo tehfung berah an neih ta a ni. Kohhranina mitthi a vûi tawh phawt chu vanram kai tura ngaihna te hi Kohhranten an thuhnuaia min dah thiamzia lanchi-anna tak a ni bawk.

Empire leh Kohhran Thuneihna

Intawm dan kha a ril hle a. Kohhran Thurin zawm lo tawh phawt chu thah theih a nih chuan ram chhunga mi zawng zawng kha kohhran mi an ni mai a. Lalram chhunga mi leh Kohhran mite chu thuhmun an nih vek chuan Empire tan khan rorel a awlsam ta em em mai a ni. Inlawmtawmna fing tak leh hlawhtling tak a ni tawp mai a ni.

Thuneituten kha tiang an tihna chhan ber chu an thuhnuaia awm a tam thei ang ber an nih nana kha tiang Inthununna Khâwl kha hmang an ni. Thuhnuaia awm an tam poh leh an tamna chu sum siam nan, intihropui nan, Politics khelh nan te an hmang thin a ni.

Roman Empire kha a kal tluang lo fo va. Lal thah leh bân te kha a awm fo va. Kha tiang boruakah khan Pope leh Bishop te kha an thuneihna kenkawh nasat nan an hmang a. Pope te kha Lal ruattu, Lallukhum khumtirtu-ah an tang thin a. Lalram thuneihna anmahni kuta an ken chang te pawh a awm thin a ni.

Bishop-te kha ram zau tak tak nei-in, an bial chhungah chuan sakhaw thil bakah sawrkar thil te pawh an kuta awm deuh vek a ni. Sipaite pawh an nei a. Ram leh thuneihna inchuha an anmahni leh anmahni an indo chang pawh a awm fo thin a ni.

An tih chhan ber chu Tam Game khelhna kha a ni. Tun laia Democracy kan kalpui dan hi a hrihlfhiahna tha tak chu a ni ang. Party member nei tam apiangin sawrkarna an siam a. Thuneitu, Chief Minister, Minister, MLA te chuan an thiltitheihna chu ram leh hnam tana hmang leh mang si lovin anmahni leh an party tan an hmang a. An ropui phah a, an hausak thûr thûr phah a. Chu chu kalphung, tihdan diklo a ni tih hmu-a hre vek chung hian kan thlak thei si lo a nih rih hi.

Kum AD 70-a Jerusalem Temple tih chhiat a nih atanga Roman Empire-ina Judate a tihduhdahna nasat avanga tlan chhiaten an tlan chhiatna lamah an Thurin Bu te an phum bo zinga langsar zualte chu kum 1945-a Nile lui kam Nag Hammadi-a an laih

(p-3-ah chhunzawmna...)

Messi phatsan ve lotu Yamal!

Kawng engkima chun-gnung zawk Spain laka Argentina an chak loh hnuah Argentina tiropui-tu leh he South American team tingaihawmtu Lionel Messi chu New York New Jersey stadium khelmual phul chungah lungngain a indawmkun nghiai a.

A ball siamsak leh a goal thun laia a chhang eitu zozaita kha khaw'nge an awm zawh tak tih pawh hriat loha mittui nena a maltlat keuh keuh lain kum 20 mi a nih laia mihang nausen a lo bual tawh, Spain rawlthar hmalam hun nei eng berte zinga mi rawn ni chho ta Lamine Yamal khan a va pan vang vang a, duat taka kuahin a hlawhch-hamnaah a hnem.

Kum 39 mi hian beiseina sang tak nena a thiltih mak hmuh leh tuma fuankhawm Argentina fans lam a hawi chho vang vang a, tuntum zet chu a theihnain a tlin ta lo tih a hriatin a biang tawn tawnah mittui a luang a, a hming hlau saa so phul bulh bulh thinte hme-la beidawnna ang bawh kha great Argentina icon hmelah pawh hmuh tur a awm ve!

Chuti ang boruaka Barcelona number 10 tharin he club number ropui ha thintu Messi lungngai



a kuah lai kha khawvelin a thlir a, kum 2007 September thlaa kum Barca star ropui zi chhuak mek Messi leh mihang nausen thla ruk mi lek bual-thlenga thla la dun khawvelin a hlut ang bawkin Pathianni zana Messi leh Yamal chetla dun kha khawvelin hmuhnam a tih leh a rinawm!

Charity calendar atana thla la dun mi pahnihte zinkawng zawh mek chu a inang lo ta hle a; kha nausen kha tunah chuan rawlthar mai ni chungin

Europe leh world champion a rawn ni chho ta a, Messi tan erawh a World Cup zinkawng tawpna a nih tawh hmel.

A career tir lam hmang chho mek Lamine Yamal hian kum hnih li-amta mai khan final-a England hnehin Spain chu European champion a nihpui tawh a, tunah World Cup trophy lakpui lehin, kum 20 em pawh a tlin hmam international football-a title lian ber ber pahniha a hlawhch-huak hman der tawh a, kum 19 leh ni ruka upa ni chungin World Cup leh Euros hnehtu a ni hman der tawh!

Ram tana competitive match 28 a khelhah Yamal hi a la tlawm lo zawn mek a; major tournament bika game 13 a start-ah hnehna chang fai vek bawkin, European player zinga major tournament starting line up luah chung a 100% win nei rei ber a ni.

Kum 19 mi ve bawh a Spain team-mate Pau Cubarsi nen World Cup final starting line up chang chung a hnehna hlawhchhuak thei palina leh pangana niin, Pele (Brazil 1958), Italy defender Giuseppe Bergomi (1982) leh France forward Kylian Mbappe (2018)-te hnungdawltu an ni.

Messi magic hmuh tur awm ta lo!

'Comeback kings' tia hminglem an puttir Argentina chuan Pathianni zan hun tawp lamah Spain laka an sikhat phurh sut tumin thapui han thawh leh dawn ngial mah se player 10-a khel an nih pi-ahlamah an tumpuite kha 2026 World Cup-a goal khat chiah la chhuah an nih miao avangin an captain ropui Lionel Messi 'magic' meuh pawhin hna a thawk thei ta lo!

Tun tournament-a tlawm tawh tura ngai an nih hnuah khingpuite hnehlet thiama hming chher South American-ho hian La Roja lakah khan a tir lam minute 90 chhungin goal zawn ball thawnluh (shot on target) wavi khat lek pawh an nei zo lo a, World Cup final team zinga chuti ang nihphung tawngbaw hmasaber an ni zui ta nghe nghe.

Comeback ropui pui pui hmanga final inpet thleng hram defending champion khan Europe champion lakah an tih thin danin kirlehna mak beisei leh mah se Spanish team-in hun tawp dawna goal a khung loh leh assist si-amchhuak thin Argentina thiampupa Messi ngho an vuak thlawnsak a, round of 16 lama Egypt laka an erlet dan leh semi-final pakhat zawka England laka 'mission impossible' an hlenchhuah ang kha



Hollywood actor ropui Tom Cruise-a hmuh lain khawvel hmuhah an chhawpchhuak zo ta lo a ni.

Spanish-ho khan goal riat leh assist wavi li nei tawh Messi kha an dangbet hneh kher mai a, World Cup hnuhnung wavi nhiha knockout match a khel zawng zawnga goal a khung loh leh assist tal siamchhuak ziah Lionel Messi kha a ni ta lo em ni tih mai a awl!

Argentina chu oneman-team an ni an tih thin kha Spanish team khan an nemngnet tiin a sawi theih a; New York New Jersey stadium eng tang at hnu-aiah magician Messi a 'nil'! Spain coach Luis de la Fuente chuan, "Kha aia hma daiha hna zo fel tur kan nih lain Argentina keeper Emiliano Martinez khan min chel-hkhawltai a ni.

"Hei hi World Cup final a ni miao a, player 10 lakah pawh inhamberh ngial kan ngai a, mahse, engkim hmachhawm tura inpeihsa diam kan ni," tiin an hun tawn kha thil thleng thei vek a ni tih a pawm thu a sawi.

Zemabawk BC An Che Leh Ta! Hnehpuia (Murvate) is back..



Zemabawk BC chuan tualchung basketball boruak rawn chawh tho lehin, ram pawna a awm awanga club khelhna nei lo (free man) Lalhnehpuia Chhachhuak chu ten season chung an huna khel turin an ziaik lut fel leh ta. Pu Aldrin Lallaw-mzuala leh Dr. Lalrin-sangi te fapa neiichhun, he zarkawt tlangval hian zing avangin Mizoram chungah hun a hmang tam thei lo va, heti chung hian he player fit 6'2 zeta sang hian theihna sang tak a neihi tualchung basketball hrechang bertu te zinga mi, Zemabawk BC puipa lam chuan USA atanga a rawn let rualin an club thumam chak nan an lo chelh ding ngal chat.

The Aizawl Post Hoops Mania chuan 'Murvate' tia a lo koh thin, Hnehpuia hian zirna leh infamna hi suiizawm chiatin, a chanchin hi kum 2025, October ni 25 a lehkhahu tihchhuah '1984' ah khan

tarlan a ni tawh nghe nghe. Hnehpuia, Naua tia koh duat hian, "Bsc. Psychology ka zawh hnuah Registered Behavior Technician niin, autism naupang therapy ka pe thin a; mahse, masters ka tih zawm dawn avangin USA ka chhuah san a ni.

Masters hi German Sports University (World ranking -10) ah 'masters in psychology of sports and exercise' ka tih zawm dawn. Semester break hi February thla chawhnu lam atanga March thla a ni dawn a, chumi chawh lai chuan Aizawlah rawn haw theih beiseiin, a tum khat nan contract ka sign ve ta.

Naua hian sawi chunzawmin, " Club-ah hian contract ka sign ngai lo va, chuwangin season a lo thar apiangin 'free man' 'ka ni thin. Free man ka nih vang leh tun tum chu MSL khelha a beisei awm avangin contract hi ka sign ta a ni. Zemabawk BC family ten hun tha min pe hi ka



lawm hle" tiin season liam taa Mission Veng Hotshots player, MSL khel ta lo hian kan zawhna a chhang.

Kum 2021 khan Chicago, USA a North Park University-ah partial scholarship hmua college zawm Hnehpuia hian, North Park University Men's Basketball team-ah a tel zui phak ve ngal mai a, a khelhna hi NCAA division III a ni pha nghe nghe.

Mizo top sports star Remsiami, Lianzuala leh Apuia te ang bawka lehkhahu ngaina pha ngat Naua hian, Lord of the rings, J.R.R Tolkien ziah kha a duh ber. Naua nu Pi Masangi hi 'Promotional of reading culture among the Mizo youth' hmalakna, MYC hnuahia lehkhabu tha chhiar hlawk zia phur taka tlangaupui tu a ni nghe nghe.

A khelhna club thar Zemabawk BC tan MSL champion nomawi lakpui thei tak maw - duhsakna kan hlan e.

Scaloni hmalam hun la Chiang lo

Spain laka an tlawm hnuah Argentina manager Lionel Scaloni chuan mittui nen post-match news conference a thawhsan a, a hmalam hun an zawhna chu federation president nen an inbiak tur thuin a chhang rih pawh.

World Cup chanchina trophy humhim thei manager pahniha ni zo ta lo kum 48 mi Argentine coach hian kum 2022 khan Qatar ramah Argentina a champion-pui a, kumin hian an title kawh lai humhim thei tura beiseiawm tak an nih lain European champion Spain meuh chu an lo khawng

lu hrat a, Ferran Torres-a extra-time goal khat tihluh hmangin Luis de la Fuente team lakah si khat faian an tlawm ta a nih kha.

Argentina FA lamin kumin December thlaa a contract hmang zo ve tawh tur Scaloni hi inremna thar an ziahpui tho ang em tih zawhna chu media mite hriat chak hmasa niin, Scaloni chuan heti hian zawhna a chhang:

"Kei chuan ka awm duh danah ngaihdan nei sa tho bawh mah ila president nen kan inbe pawh ang chu. "Ka contract neihi lai hi ka han hmang

zo pawh ang a, inbiakna hmanga kaltlang-pui a ni ang.

"He hna chhunzawm zel tur chuan buaipui tur hraw tak tak a awm a, a bik takin rilru puthmang siamthar a paw-imawh ang a, heti ang squad dinthar leh pawh hi tihmakmawh a nih lain thil awlsam a ni lo," a ti.

Argentine coach la naupang tak hian a mittui a dang zo lo a, thupha chawi mawlh mawlh chungin interview room a chhuahsan a, pindan chhuahsan pahin:

"A na em a ni, paw ka ti hle mai."

Kum nga chhunga title 16 tehreng hawn thei Spain!

Pathianni zan Fifa World Cup final-a champion lai Argentina laka kawng engkima chun-gnung Spain kha a hmei-a-pain tunlai football-ah an chungnung chhang hle a, tunhnai kum nga chhunga under-17 a hman senior level-in world leh European title an lak belkhawm hi 16 tehreng a tling ta!

Kum hnih liamta mai Berlin khaw final-ah England hnehin an men's national team chu Europe champion an ni a, tunah world champion ni lehin, La Roja hian kum 2010-a World Cup trophy an chawi hma kum hnihah Euro 2008 title an hlawhchhuak bawh!

Tarlan tak angin, Spain hi men's leh women's game-ah an kal tuang rei ta viau a; kum 2023 khan Sydney khawpuia Women's World Cup final-ah an hmeichhiate'n England nulate hnehin trophy an sualchhuak a, Pathianni zana an mipa team an champion ve leh tak avangin tum khata men's and women's World Cup champion ni thei hmasaber an ni.

An mipa team hian kum 2023 khan Nations League trophy leh 2024 Olympics-ah gold an awr a; kum 2024 leh 2025 khan an women team kutah Nations League title a lut bawh.

Spanish football expert Guillem Balague chuan Spanish football-in khawvel a awpbeh

dan hi sawi chhuakin, "Duhthusam thlipui kan tiehtir mek a; duhtawh kan ngah duh lo lai hi a paiwmawh lai tak chu a ni," a ti.

December 2022-a Spain boss atana Luis de la Fuente an engluh hlim khaan hun reilote chhunga Nations League (2023), Euro (2024) leh World Cup (2026) hnehna a chanpui ring an tlem ngawtin a rinawm!

Qatar World Cup-ah khan last 16-ah Morocco hneh loin an tlawm a, federation lam khan boss bang ta Luis Enrique hmunruak luahtu tur an zawhna lamah club lian enkawl pawh la nei lo De La Fuente lam an hawi a, men's European Championship hnuhnung wavi tum (2008, 2012, 2024)-a champion vek thei La Roja meuh enkawl tur chuan risk a sang hle nain Spain style leh system hrethiam tak a lo ni hlauh a, tun hi a thlenpui ta a ni!

Kum 1994-a football khelh a chawhsan hnu khan De La Fuente hian club hrang hranghah kum 15 chhung team enkawl hna a thawk a, a hna chelhte chu Spanish league hniam lama manager hnate bakah youth team enkawl leh assistant coach hnate niin, a hnuah Spain youth team-ho enkawltir a ni.

Senior boss-a hlankai a nih hma hian under-19s, under-21s leh Olympic level-ah Spain

a lo kaihrui tawh a; De La Fuente hnuahia hian Spanish footballer-te chuan an tumpuite zah tlatna culture an nunpui a, dawhtheihna leh hun khirhkanhan pawh chi-ai mai loa cool raih theihna an than nawn a, chuang infinkhawm chu an football thiamna piahlama an hlawhtinna bulpui a rawn ni chho ta zel a nih hi!

Spain midfielder hlui Juan Mata pawh khan De la Fuente hnuahia Spain hlawhtlinna thuruk sawi ve bawkin, player tam zawkte chu academy an luh lai atanga a hriat tawhte leh team-a an thlanglian lai hmutu leh dawm-kangtu a nih tlat avangin a fuho lo thei lo tih a sawi a, a pawmawm ngei mai!

"Tuna in hmuh team hi tun atan mai an ni lo a, hmalam hun atana kan vauchher zel tur an la ni," tiin chuai mai mai lo tur team an nih thu a tarlang tel.

Tun dinhmunah Spain hi inelna hrang hrang match an khelh hnuhnung 38-ah an tlawm lo mek a, European leh South American team zinga tlawm pumpelzawm rei ber an ni hial nghe nghe.

Chuti ang team chu 2030 Fifa World Cup-ah pawh Argentina team kan hmuh ang nawk nawka defending champion hahthlak ni lo turah beisei chhin pawh teh ang!

⚽ FOOTBALL TITI ⚽

⚽ Arsenal chuan kum 23 mi Aston Villa & England midfielder Morgan Rogers chu nipui bazar inhawng meka an player lak tum ber atan an hual a. A man atan £100m. chuang zet an sen a ngai dawn thung. (Sky Sports)

⚽ Liverpool legend Mohamed Salah chuan Turkey lamah a khelh ngei hmel a, Besiktas a zawm fel thuai tura ngaih a ni. (Foot Mercato - in French)

⚽ Manchester United chuan Nottingham Forest wing-back Neco Williams lak an rilruk. (Football Insider)

⚽ Real Madrid chuan Bayern Munich leh France winger Michael Olise an ngaihven a, kum 24 mi hi Santiago Bernabeu-ah hruai luh an tum dawn. (L'Equipe - in French)

⚽ Tottenham chuan Newcastle United in £46m senga kum 20 mi Sweden midfielder Lucas Bergvall lak an dilna an hnar. (Athletic - requires subscription)

⚽ Chelsea chuan Crystal Palace leh France defender Maxence Lacroix an la duh tak zet a nih chuan a manah £55m an sen ngei a ngai dawn. (Times - requires subscription)

⚽ Bayern Munich chuan manager Vincen Kompany ruahmannaa hmun chang tawh lo Portugal midfielder Joao Palhinha chu chhuah phalna an pe. (Record via SportWitness)

⚽ Tottenham chuan Netherlands winger Cryscenio Summerville chu West Ham atanga lak tumin an ngaihven. Hammers hi championship-ah an tlakhniam vangin kum 24 mi Summerville hi a lak theih dawn. (Give Me Sport)

⚽ Manchester United leh Newcastle United te chuan kum 22 mi Eintracht Frankfurt leh Sweden midfielder Hugo Larsson lak tumin ngaihven bawk mah se, an la dawr tan rih lo thung. (Bild - in German)



World Cup 2026 khelh zawh takah Kylian Mbappe chuan Golden Boot a dawng leh ta. Golden boot dawng tur ni awm renga duan Mbappe (Golden Mboot-a) a ropui zual zel.

World Cup-ah a chetthat theih em vanga ‘Mr World Cup’ an tih hial Mbappe hian World Cup 2022 khan goal 8 thunin Golden Boot a dawng tawh a. World Cup 2026-ah goal 10 thunin Golden Boot a dawng zui leh bawk a, World Cup-ah a zawna Golden Boot dawng thei hmasa ber a ni a. Goal 22 thunin World Cup chanchina goal thun hnem ber a ni a, kum 27 mi chauh a la nih vangin zau zawkin record a la siam belh ngei a rinawm.

Inelna lian leh ngaihhlut hlawh ber World Cup-a Golden Boot a dawn zawn bakah Mboot-a hian League-ah season 8 chhung ngawt Golden Boot a dawng zawn tawh bawk. French Ligue 1-ah 2018-19 season atanga 2023-24 season thleng khan Golden Boot a dawng

zawn zat zat a, chhing zo reng an awm lo.

PSG chhuahsana Real Madrid a zawm hnuin goal a thun tlu-ang zel a, Spanih La Liga-a a season hmasa ber 2024-25 season-ah Golden Boot a dawng leh nghal ringawt bawk a. La Liga season liam ta 2025026 season ah Golden Boot a dawng leh bawk. La Liga top-scorer a nih bakah hian UEFA Champions League-ah khelh 11 atanga goal 15 thunin top-scorer a ni tel bawk. Mbappe zet hi zawng top-scorer ni tur renga duan ang mai a ni.

Ball thiam, tlan chak leh finishing tawih em em bawk Mbappe hian France an wavi 106 khelin goal 66 a thun a, World Cup lai ngei khan Olivier Giroud khumin France tana goal thun hnem ber record thar a siam bawk. A dam that phawt chuan Mbappe hian goal a thun zel dawn a, Golden Boot pawh a dawn belh zel a rinawm.

Team tha ber Spain an champion

Thawhtan zing khan FIFA World Cup 2026 hmawrbawk a niin final khelh a ni. MetLife Stadium-a final khelh tha team tha ber Spain in champion lai Argentina an awpbet tluan a, phu taka hnehna changin an champion. An champion theih nana thawhhlawk tak Rodri chu ‘Best Player’ ah thlan a ni.

‘Dream Final’ ti hiala an sawi, final nghahhlelhawm takah hian Spain an khel tha viau a, inkhel t antirh phat atanga a tawp thlengin champion lai Argentina an awp bet tluan zak. Spain hian Argentina an thunun hneh em vangin beisei angin inkhel a hmuhdawm lo zawk hial a ni.

Final thlenga goal khat chiah la chhuah a, an tlarhnung phui em em Spain hian ngam takin Argentina an nawr nghal a, ngaihven hlawh Lamine Yamal a hlauhawmin goal a thun nghal teuh hle. Hma takah goal thun theihna hun tha nei bawk mah se Yamal hian uiawm takin a hun tha nei a chhawr tangkai zo lova, Argentina si nghak Emiliano Martinez a paltlang zo lo. Inkhel tantirh lamah goal thun theihna hun tha nei zawn bawk mah se Spain in an chhawr tangkai zo lo ve ve a, Argentina an him hram hram rih.

Champion lai Argentina hian insiamthat mamawh viau mah se muallaiah midfielder General Rodri leh a hote an khan loh em vangin tih theih an nei tam lo. Spain lam hian an hual tawt a, an zim buai zung zung thin a, ball an chan ve pawhin Argentina lamin an chang rei thei lo. Ball an chen ve chhunah pawh tihsual an ngah a, ball a hloh hma thei viau bawk. Golden ball dawng zui ta Rodri lakah Lionel Messi a che hleithei lova, final khelh chhung zawnin Messi hi a bo tluan a ni ber a, Argentina player langsar ber leh an himna kulhpui chu si nghak Martinez a ni.

An khingpuite an ngam loh em em laiin Argentina vanduai a kal tluang a, an defender rinrawl Lisandro Martinez chu chawhlawk hmain lakchhuah a ngai. Martinez awm loh hnu-



in a kawppui Cristian Romero chu hliam vang bawkin minute 70-naah lakchhuah a ngai zui leh a, champion laiin ngai an awh lo phah leh zual. An player pawimawh pahnih an chan hnuin World Cup 2022-a rawlthar tha ber Enzo Fernandes chu Pau Cubarsi lakah hlauhawm taka a chet vangin minute 90+3 naah hawhchhuah a ni zui leh bawk.

Inkkel an thunun tlat bakah tam zawk an nih cheu vangin Spain hi chak ngei tura ngaih an ni a, an khingpui lakah goal an thun nual a rinawm hial. An khingpuite dang betin, kawng engkimah chungtlak vek bawk mah se goal-ah an vanduai a, minute 90 chhungin goal an thun thei bik lo.

Hun pangngaiyah chak zawk an awm theih loh vangin extratime khelh chhunzawm a ni. Extratime-ah pawh Argentina an vannei zui zel a, goal chhuah lovin an him hram hram zel. Inkhel thunun a, na taka an khingpuite nawr rengtu Spain an che fuh tak nge nge. Nico Williams ball tauh let fuh leh tha tak chu bench atanga lut ve tho Ferran Torres chuan minute 106-naah pui zet in a pet goal a, hmahruaina goal a thun.

Goal an chhuah hnuin Argentina in tan

khawh thar leh a, phur belh huamin an khingpuite an nawr. Si an phurh hnuin hlauhawm nawn leh bawk mah se Spain tlarhnung inrem phui tak an su thiat thei lova, Giullio Simeone chuan hun tha nei bawk mah se a chhawr tangkai zo lo. Messi pawhin hlauhawm takin shot bawk mah se Mikel Merino-a’n a lu in a lo block hman hlauh bawk a, an si phurh an sut thei lo. Spain pawhin hlauhawm takin nawr let bawk mah se goal an thun belh thei tawh bik lo. Goal thun belh thei tawh lo mah se Spain hian Ferran Torres goal thun hmangin hnehna an chang a, World Cup-ah a wavi hnih nan an champion.

Spain hian Argentina lakah 65% zet ball an chang a, shot in target ngawt pawh wavi 12 ngawt an neih laiin an khingpuite hian shot on target an nei miah lo thung. Hei hian final-a Spain chungnungzia a lantir. Spain hian team lian Portugal, France leh Argentina te phu takin an hne vek a, hei hian champion phu an nihzia a tichiang viau bawk.

World Cup 2026 chu ropui takin khar a ni ta a. World Cup-a ram 48 te an inelna hmasa berah Team tha ber leh chamapion phu ber Spain chu dan rual lohin an champion ta a ni.

World Cup 2026 a hnuhma langsar zual

Khawwela ennawm ropui ber FIFA World Cup wavi 23-na chu Thawhtanni zing khan New York khawuia MetLife Stadium-ah khelh zawh a ni ta a, phu takin Spain an champion. Kan thlah liam tak World Cup 2026 a thil thleng langsar zual kan thlir kual ang.

Goal : World Cup 2026-ah hian a wavi khat nan ram 48 te an inel a, ram 48 te hi group 12-ah pali zela then darh niin group stage-ah wavi thum theuh an khel phawt a. Group stage at anga tlang ram 32 in last 32 an khel a. Last 16, quarter-final, semi-final, third place play-off leh final khelh a ni a, final thleng hian match 104 a awm.

Match 104 atangin goal 308 zet a lut a, inkhel tinah goal 2.96 lut zel ang a ni. World Cup 2026 ah hian player langsar an chetha a, goal pawh a lut hnem. Golden Boot dawngtu Kylian Mbappe chuan goal 10 lai a thun. World Cup-ah a chett hat theih em vanga ‘Mr. World Cup’ an tih mai Mbappe hi World Cup-ah a zawna Golden Boot dawng thei awmchhun a ni nghe nghe. Golden Boot a dawn bakah Mbappe hian World Cup-ah match 22 khelin goal 22 lai a thun a, World Cup awm tawh zawng zawnga goal thun hnem ber a ni tel bawk.

Player ngaihven hlawh Lionel Messi chuan goal 8 thunin Silver Boot a dawng. Messi hian World Cup ah goal 21 thun tlingin goal thun hnem ber dawttu a ni a, goal khatin Mbappe a phak lo.

Kan thlahliam tak World Cup 2026-ah hian player pali; Lionel Messi, Jonathan David, Ousmane Dembele leh Bukayo Saka ten hattrick an siam.

khan a ni thung a, mi 28 zetin red card an hmu.

Inkkel entu: World Cup 2026 ah hian ram 16 ngawt an tel belh ta bawk a, A hmuna inkhel entu pawh an pung hlui. Final khelh zawh a nih thleng khan a hmuna mi maktadaui 6.8 in an en a. Inkhel tinah a hmuna entu mi 65,490 awm ziah ang a ni. Final a Spain leh Argentina inkhel khan entu a ngah bera mi 80,663 zetin an en.

Lawmmann:

World Cup 2026-a champion Spain in Trophy hlu tak bakah tangkafai US Dollar maktadaui 50 an dawng a. Pahnihna Argentina in US Dollar maktadaui 33, pathumna Englandin US Dollar maktadaui 29, palina France in US Dollar maktadaui 27 an dawn bakah World Cup-a group stage paltlang zo lote pawhin US Dollar maktadaui 10 an dawng vek bawk.

Mimal chawimawina

Champion thar Spain mimal chawimawina ngaihhlut hlawh pathum; Golden Ball, Golden Glove leh Young Player Award te an hui vek.

Spain champion nana thawhhlawk tak Rodri chu player tha berah thlan niin ‘Golden Ball’ a dawng. Tunlaia midfielder tha ber Rodri hi a thiam em vangin ‘Midfield General’ tih hial a ni a. Kum 2024 khan mimal chawimawina ngaihhlut hlawh ber Ballon d’Or a lo dawng tawh bawk.

Champion thar Spain hian an khingpuite lama goal 14 zet an thun laiin goal 1 chauh an chhuah. Clean sheet wavi 7 zet nei thei Unai Simon chuan phu takin Golden Glove a dawng. Simon hian World Cup tum khata clean sheet ngah ber record thar a siam bawk.

Barcelona rawlthar defender thiam em em mai, kum 19 mi lek Pau Cubarsi chuan a phu ang ngein Young Player Award a dawng. Cubarsi hian Spain tan a khel kim vek a, an tlarhnung a veng tha hle.

Record langsar

France captain Kylian Mbappe chuan World Cup hrang pathum khelin goal 22 a thun tling a. World Cup chanchina goal thun hnem ber ni t hin Miroslav Klose record siam goal 16 chu goal 6 ngawtin a khum a, World Cup chanchina goal thun hnem ber record thar a siam.

Kum 39 mi Lionel Messi chuan Algeria an hmachhawn tumin hattrick a siam a, World Cup-ah hattrick siam thei upa ber record thar siamin a elpui lian Cristiano Ronaldo record a khum.

Kum 41 mi Portugal captain Cristiano Ronaldo hian last 32-a an khingpui Croatia lakah goal a thun a, World Cup-ah knock-out stage-a goal thun thei upa ber a ni. Ronaldo hian World Cup paruk (2006, 2010, 2014, 2018, 2022 leh 2026) ah goal a thun vek a, World Cup hrang paruka goal thun vek thei awmchhun a ni.

Player ropui pahnih; Lionel Messi leh Cristiano Ronaldo ten World Cup paruka inlan vek thei record duhawm an siam dun bawk.

World Cup 2026-ah hian a wavi khat nan mihring 150,000 vel lek awmna Curaçao an tel a. Anni hi World Cup a tel phak zinga mihring tlem berna ram an ni.

Champion thar Spain kha international match ah tlawm nei lovin khelh 38 chhung an kaltluang ta chiah a. Italy record match 37 khumin international match-ah tlawm nei lova kaltluang rei ber record thar an siam. World Cup-ah an champion a, international match ah tlawm nei lova kal tluang rei record thar an siam tel bawk a. An chawm bawka an hawp bawk a ni ber mai.

World Cup 2026-ah hian mahni lama tih (Own goal) 13 zet a awm a, World Cup 1966 hnu lama Own-goal tam leh ber tum a ni.

Thiante goal thun tur siamsak kawngah France midfielder Michael Olise a thawhhlawk viau a, assist wavi 7 zet a nei. Olise hi World Cup 2026-ah assist ngah ber a ni a, World Cup wavi khata assist ngah ber a ni tel bawk.

Red Card

World Cup 2026-ah hian player 16 in Red-Card an hmu a, World Cup hnuhnung pahnih; 2018 leh 2022 a Red Card hmu zawng zawng aiin tun World Cup a red card hmu hi an tam zawk. World Cup tum khata Red Card phawrh tamna ber chu Germany in a thlen World Cup 2006 ah



World Cup 2030

World Cup 2026 a zova, World Cup dawt leh hi kum 2030-ah khelh leh tur a ni. World Cup 2030 hi Spain, Portugal leh Morocco ten an inthlen tawm dawn a. World Cup kum 100 na ‘World Cup centenary’ a nih dawn vangin match hmasa pathumte chu Uruguay, Argentina leh Paraguay ahte khelh a ni dawn thung. Heng ram pathumte hi inelna thlengtu an nih ve tho vangin World Cup khel tura tling sa an ni a, World Cup 2030 khel turin ram paruk; Spain, Portugal, Morocco, Argentina, Uruguay leh Paraguay te an tling sa tihna a ni.

Future-a’n No.1 album 12 a nei tling ta



Future album thar ‘The Real Me’ chu Billboard 200 (US albums) chart No.1-ah a debut a, he chart-a No.1 kai thei album 12 a nei-na a ni a, rapper zingah he chart-a No.1 album ngahah pathumna a ni. Hetihrial hian The Rolling Stones leh Heated Rivalry soundtrack te pawh chart top 10-ah an debut.

Billboard 200 chart hi kar khat chhunga US-a album hralh tam dan atanga tehin chart ranking siam thin a ni a, album hralh zat chhut nan hian album tak tak hralhna bakah streaming atanga album hralhna tlukpui leh album-a hla a mala hralhna atanga album tlukpui te belh-khawm thin a ni.

Future ‘The Real Me’ hi kar khat chhungin US-ah 1,31,000 hralhin, chung zinga 1,18,000 chu streaming atanga album tlukpui (on-demand official stream maktaduai 120.29) niin, album tak tak hralh chu 13,000 a ni a, album-a hla a mala hralh

chu chhiam tham a ni lo. Future hian he chart-a No.1 album 11 nei Eminem nen rapper zinga he chart-a No.1 album ngah lama pathum-na an nih dun thin chu Eminem hi kalsanin, amahin pathumna a ni a, Drake (15) leh Jay-Z (14) te chiah a pha lo. Rap-pet chauh ni loah pawh Future hi No.1 album ngahah pangana a ni a, The Beatles (19), Taylor Swift (15) te a hmaah an la awm tel bawk.

Chart No.1 hlui pangain Future hi dawtin, Olivia Rodrigo ‘you seem pretty sad for a girl so in love’ chu 96,000 hralh lehin No.2-ah bawk a la awm a, Morgan Wal-len ‘I’m the Problem’ chu 73,000 hralh lehin No.4 atangin No.3-ah a insawn a, Ella Langley ‘Dandelion’ chu 73,000 tling lo deuh hralh lehin No.3 atangin No.4-ah a tawlh a, Noah Kahan ‘The Great Divide’ chu 67,000 hralh lehin No.6 atangin No.5 a kai a, Drake ‘ICEMAN’ chu

61,000 hralh lehin No.5 atangin No.6-ah a tawlh ta bawk.

The Rolling Stones album thar ‘Foreign Tongues’ chu 53,000 hralhin, No.7-ah a debut a, he chart top 10 a lang thei album 39 an nei tling ta a, top 10 albums ngah ber an nihna an sawh nghet.

Chart No.1 hlui Michael Jackson ‘Thriller’ chu 41,000 aia tam deuh hralh lehin No.8-ah bawk a la awm.

TV series hit zet mai Heated Rivalry soundtrack album chu 41,000 hralhin No.9-ah a debut a, tun kum 10 chu-uang mah chhunga TV series soundtrack album he chart top 10-a lang leh thei hmasa ber niin, 2015-a No.1 ni thei ‘Empire’ soundtrack hnung rawn zui leh hmasa bertu a ni.

Chart top 10 khartu chu chart No.1 hlui Morgan Wallen ‘One Thing at a Time’ a ni a, 37,000 hralh lehin No.11 atangin No.10 a rawn kai thar leh ta a ni.

FIFA World Cup Final Halftime Show hmasa ber a hlawhtling



2026 FIFA World Cup Final half-time show chuan FIFA lamin an beisei ang chiah boruak a nei h rualin, football purist lamin an hlauhthawn ang chiah a ni ve thung. Football match a an ngaih puithu ber mai, World Cup final-ah minute 10 chuang pop thlipui duhthusamin a tleh tlat.

MetLife Stadium, New Jersey, USA-a Spain leh Argentina ten 2026 World Cup final an khel a, World Cup history-a a wawi khat nan final match-ah hian halftime show buatsaih a ni a, pop star rual Madonna, BTS, Justin Bieber, Sa-kira, Burna Boy, Gustavo Dudamel leh Chris Martin ten halftime chawlh lawk boruakah stadium an thap hneh hle. Chawh-lhawk a rei lo a, second tin mai an hman tangkai em em vek a ni mai e.



Box Office-ah ‘The Odyssey’ a No.1



Christopher Nolan film siam, milar rual an inlan nualna film ‘The Odyssey’ chu an tlangzarh karah a chetha hle a, tun nipui chhunga liva-action movie tlang-zarhah chuan opening weekend-a sum hmu tha ber a la ni a, tun weekend kalta khan North America-ah cinema hall ticket hralhna atangin dollar maktaduai 124.5 a la lut thei a, box office No.1-ah a debut.

Box office ranking hi kartawp (Zir-tawpni - Pathianni) a US-a cinema hall tick-et hralhna sum chevela atanga teha siam thin a ni. ‘The Odyssey’ hi North America-ah cinema hall 3,900-ah tih-chhuah a ni a, heta tang hian dollar maktaduai 124.5 a hmuchhuak thei a, US pawn, ram hrang hrang 73 atangin dollar maktaduai 139.6 a la lut bawk a, tihian opening weekend-a a lak luh chu dollar maktaduai 264.1 a, Christopher Nolan film siam tawh zinga opening

weekend-a sum la lut tam ber a la ni. The Odyssey film hi dollar maktaduai 250 production budget a puitlin a ni a, dollar maktaduai 100 chuang mah marketing-ah an hman-g bawk ang.

He film-ah hian Hollywood star lar an inlan nual a, chung zingah chuan Matt Damon, Tom Holland, Anne Hathaway, Robert Pattinson, Lupita Nyong’o, Zendaya leh Charlize Theron te an tel. A film hi Odysseus (Matt Damon) chanchin, Trojan War zawh hnu a Ithaca lat hutthleng a luah leh hnua a nupui Penelope (Anne Hathaway) nena an in-tawn leh dan vel te tarlan a ni.

Dwayne Johnson channa ‘Moana’-in a weekend wawi hnihnaah dollar maktaduai 19 la lut lehin No.1 atangin No.2-ah a tawlh a, he film hian ni 10 chhungin US-ah dollar maktaduai 82.1 a la lut tling ta. Minions & Monsters leh Toy Story 5 ten dollar maktaduai

14.8 ve ve la lutin, No.3 an ni ve ve. Minions hian kar thum chhungin US-ah dollar maktaduai 136 la lut tawhin, Toy Story 5-in kar nga chhungin dollar maktaduai 430.9 a la lut tawh a, Toy Story hian US pawna a lak luh nen chuan dollar maktaduai 958.4 a hmuchhuak tawh bawk.

Horror franchise Evil Dead film thar ber Evil Dead Burn-in dollar maktaduai 50,00,000 a la lut a, he film hian kar hnih chhungin US-ah dollar maktaduai 24.1 a la lut tling ve ta bawk.

Box office top 10:
1. The Odyssey \$124,500,000.
2 Moana \$19,000,000
3 Minions & Monsters \$14,800,000
3 Toy Story 5 \$14,800,000
5 Evil Dead Burn \$5,000,000
6 The Invite \$3,905,908
7 Young Washington \$3,678,487
8 Obsession \$2,500,000
9 Supergirl \$1,525,000
10 Disclosure Day \$1,450,000



Madonna a pawhin Queen of Pop a nihna rawn lantir lehin, fashion hmuhnaawm tham nen, DJ Stuart Price leh Brazilian football legend pahnih Ronaldo leh Ronaldinho te nen an rawn inzui chhuak a, an jeep license plate-ah chuan ‘Maestro’ tih a chuang kalh bawk. Madonna hian a hla hit 2000-a Billboard Hot 200 No.1 te pawh lo ni tawh ‘Music’ an dinchhuahpui a, stadi-

um chhung a rawn chawh phul hneh ngah hle.

Conductor ropui Gustavo Dudamel pawhin New York Philharmonic le Simon Bolivar Symphony Orchestra te chu The White Stripes hla ‘Seven Nation Army’ a rem pui a, pui tak a ni, hmuhnaawm tham tak a ni.

Chutah BTS pawhin motorcycle-style leather jacket inbel chungin, thawmhnaw sen leh dum nen RM, Jin,

Suga, J-Hope, Jimin, V leh Jung Kook te an lang-sar hle a, an hla hit ‘Dynamite’ an rawn thlawh a, an dance move leh hawihet tin mai mipuiin an lawm em em vek a ni ber e.

Chutah Jason Sudeikis pawh Ted Las-so mode a awmin, Justin Bieber a ko chhuak a, Bieber hian acoustic guitar rawn ak chhuakin hla muang deuh chi ‘Every-thing Hallelujah’ a rawn

perform a, Madonna leh BTS te nena an boruak chhem dan a inang lo viau nain, Bieber a chet ha thlawt e.

Tichuan le, Shakira leh Burna Boy te hun a thleng ve ta, kumin World Cup official song ‘Dai Dai’ ngei mai chu Colombian superstar leh Nigerian star te hian an rawn perform a, lamthiam rual nen an han inthing kir vel siau siau mai chu khawdang haw-

isan phal chi a ni tawh lo.

Halftime show khar nan PS22 Chorus chu Coldplay frontman Chris Martin, Kermit the Frog, Miss Piggy bakah Shakira, BTS leh Dudamel ten an rawn tawh awiawmin ‘We Dance’ an perform a, stage-ah ‘LOVE’ tih a rawn inziak a ‘O’ chu globe angin a lang a, halmawi chi hrang hrang nen halftime show chu hlawhtling takin an khar ta a ni.